

CONSTITVTIONES
ET DECRETA SYNODI
DIOECESANÆ

QUAM ANTONIVS PORTIVS
Episcopus Monopoli habuit, Salutis
Anno M D LXXXV.

SVPERIORVM IVSSV.



R O M A E,

Ex Typographia Bartholomæi Bonfadini.

M D LXXXVII.

CONSTITUTIONES

ET DECRETA SYNODI

DIOECESANE

QUAM ANTONIUS PORTINUS

Episcopus Monopolis habuit, Salutaris

Anno M D LXXXV.

SUPERIORUM IVSSU.



ROMAE.


Ex Typographia Bartholomaei Bonfadini.

M D LXXXVII.




ANTONIVS PORTIVS
DEI ET APOSTOLICÆ SEDIS
GRATIA EPISCOPVS
MONOPOLITANVS

Cléro suæ Diœcesis, Salutem in Domino.

 DIOECESANAM SYNODVM, quæ
ex maiorum institutis, & sa-
cro sancti Concilij Tridētini præ-
scripto celebrari singulis annis
in Ecclesia nostra debuerat,
infirmâ valetudine, & prout
ipsi scitis, aliquamdiu Neapoli pro Ecclesia de-
fensione, alijsq; præpediti curis in hoc tempus di-
stulimus. Sed mora, ut experimento didicimus,
non sine magno utilitatis fructu fuit interposita.
Interq; namque de rebus Ecclesiæ nostræ visita-
tione Apostolica, certiores effecti, non pau-
ca absurda & abusus, collationumq; circa or-
dines, ac beneficia defectus, tum etiam cleri-
corum consuetudinem, viuendiq; rationem ani-
maduertimus. Denique cum illis, qui erant in-
ter vos vsu peritiores, de ijs, quæ ad Sacra-
mentorum administrationem, Cleri, Populiq; re-
formationem pertinebant, frequenter conuentum


habuimus, ut affirmare possimus, omnia ferè sciē
tibus vobis pro Dei gloria constituisse. Et, ut ve
stris comodis tantum prospiceremus, singula quo
tidianis verbis confici mandauimus. Memoria
enim tenebamus in hoc Clero non omnes diuites,
non omnes esse doctores; quin potius rudes, ac pau
peres non paucos, qui & litterarum studijs va
dare, & librorum copiam sibi comparare nequi
rent. Ad horum igitur vix institutionem, qua
tenus sufficere videbatur, huiusmodi Synodum
aptrauimus ex diuina Scriptura, sacrorum Cano
num, & Cōciliorum præsertim testimonijs, tum ex
varijs Scriptorum tractatibus nonnulla sumpsi
mus. Quare alacri animo has accipite Constitua
tiones, siue Decreta in Cathedrali nostra vobis
presentibus promulgata, & in alma Vrbe, quod
præcipuè optabamus, recognita, & demum Supe
riorum iussu in hanc formam redacta; ut, qua ad
vestrum emolumentum elaborauimus, in Do
mino faciatis, cum omnia in eo possimus, qui
nos confortat Dominus noster Iesus Christus.
Amen.



CONSTITVTIONES

D I O E C E S A N A E

SYNODI MONOPOLITANAE.



De Summa Trinitate, & Fide Catholica. Cap. I.



Vamquàm omnes, iuxta Concilij Toletani declarationem, qui sacris mancipantur ordinibus, canonicis regulis teneantur astricti; expedibile tamen est, vt promissionis suæ vota sub cautione spōdeant, quos ad promotionis gradus Ecclesiastica probat disciplina: solet enim plus timeri, quod singulariter pollicitū est, quàm quod generali sponsione concluditur. Huic ideo sanctæ Synodo nos inhærentes, præcipimus, vt vnusquisq; qui ad Ecclesiasticos maiores gradus est ascensurus, etiam si de nostra, vel successorum nostrorum licentia ab alieno fortasse Episcopo promouendus erit, non ante honoris consecrationem accipiat, quàm placiti sui adnotatione promittat, quòd fidem Catholicam sincera cordis

13 *Constitutiones Diocesana*

dis contritione, ac deuotione custodiens, iustè, & piè viuere debeat, & debitum per omnia honorè, & obsequij reuerentiam Summo Romano Pontifici, præeminenti q; sibi vnusquisque dependat.

Prouisi quoque de beneficiis quibuscumq; curam animarum habentibus, nec non de Canonicatibus, & Dignitatibus ad sacrosancti Concilij Tridentini præscriptum, Catholicæ fidei professionem emittere teneantur; alioquin fructus non faciunt suos, nec illis possessio suffragatur. Ceteri verò omnes siue in præsentis, siue in futurum beneficia Ecclesiastica habituri, in Synodo, quæ primo quoq; tempore celebrabitur, idem omninò seruēt. Cumq; ad felicitis recordationis Pij Papæ Quarti prouidam ordinationem hanc fidei puritatem scientiis, doctriniscq; quibuscumq; tum tradendis, tum addiscendis, tamquam necessariam basim constituere in Ciuitate ac Diocesi nostris, quantum cum Deo possumus, & vt tenemur, cupiamus; ne simplicia nonnullorum adolescentium, res nouas audiendi cupidorum, ingenia in naufragos blanditiæ hæresum scopulos imprudenter impingant, salubriter in Domino statuimus, vt Doctores quotquot Monopoli pro tempore erunt, Cisternini, & aliàs vbilibet in nostra Diocesi, Regentes in Monasteriis, ac ludi Magistri publicè vel priuatè docentes, nō antea ad legendi munus admittantur, quàm eiusdem fidei Catholicæ solemniem in manibus nostris, & successorum nostrorum, siue coram Vicariis pro tempore, professionem emisserint.

Clerici demum iuxta laudabilē Ecclesiæ nostræ cōsuetu-

suetudinem singulis Dominicis diebus coram propriis Parochis Symbolū Athanasij recitare non omit-
tant, donec illud rectè memoriæ commendauerint.

Parochi autem plebes sibi commissas instruant, cu-
rentq; vt fidei Catholicæ articulos quilibet ratione
pollens intelligat, sed eos explicitè, qui solemnizan-
tur ab Ecclesia, præcipuè verò mysterium Sanctissimæ
Trinitatis, & Incarnationis Domini Nostri I E S U
CHRISTI.

Postremò ægroti mortis imminente periculo, siue
per seipsos, siue etiam per alios eorum nomine; latina,
aut propria lingua fidem Catholicam profiteantur, vt
Deo placere, & Diabolī tentationes, cui resistendū est
in fide, superare valeant: Idq; plurimum Parochorum
diligentiæ, charitatiq; commendamus.

Omnes in emittenda huiusmodi fidei Catholicæ
professione, infrascripta vtantur forma, quæ à Sede
Apostolica tradita in Constitutione sel. record. Pij
Quarti continetur:

E G O N. firma fide credo, & profiteor omnia & singu-
la, quæ continentur in Symbolo fidei, quo sancta Romana Ec-
clesia utitur, videlicet,

CREDO in unum Deum Patrem omnipotentem, facto-
rem Cali & terræ, visibilium omnium, & inuisibilium, & in
unum Dominum IESVM CHRISTVM filium Dei vnigeni-
tum, & ex Patre natum ante omnia secula, Deum de Deo,
lumen de lumine, Deum verum de Deo vero, genitum non
factum, consubstantialem Patri, per quem omnia facta
sunt. Qui propter nos homines, & propter nostram salutē de-
scendit de calis: & incarnatus est DE SPIRITV SANCTO

4 Constitutiones Diocesanae

ex Maria Virgine, & HOMO FACTUS EST. Crucifixus etiā pro nobis sub Pontio Pilato passus & sepultus est. Et resurrexit tertia die secundum Scripturas; & ascendit in Calum, sedet ad dexteram Patris. Et iterum venturus est cum gloria iudicare vivos & mortuos; cuius regni non erit finis. Et in SPIRITUM SANCTUM Dominum, & viuificantem, qui ex patre Filioq; procedit: Qui cum Patre, & Filio simul adoratur, & conglorificatur, qui locutus est per Prophetas. Et vnā sanctā Catholicā, & Apostolicā Ecclesiam. Confiteor vnum Baptisma in remissionem peccatorum. Et expecto resurrectionem mortuorum. Et vitam venturi saeculi, Amen.

APOSTOLICAS & Ecclesiasticas traditiones, reliquasq; eiusdem Ecclesiae observationes, & Constitutiones firmissimè admitto, & amplector.

ITEM sacram Scripturam iuxta eum sensum, quem tenuit, & tenet sancta mater ECCLESIA, cuius est iudicare de vero sensu, & interpretatione sacrarum Scripturarum, admitto, nec eam vquam nisi iuxta vnanimem consensum Patrum accipiam, & interpretabor.

PROFITEOR quoque septem esse verè & propriè sacramenta nouae legis à IESU CHRISTO Domino nostro instituta; atque ad salutem humani generis, licet non omnia singulis necessaria, scilicet, Baptismum, Confirmationem, Eucharistiam, Penitentiam, Extremam unctionem, Ordinem, & Matrimonium, illaq; gratiam conferre: & ex his Baptismum, Confirmationem, & ordinem sine Sacrilegio reiterari non posse. Receptos quoque & approbatos ECCLESIAE Catholicae ritus in supradictorum omnium Sacramentorum solemni administratione recipio, & admitto. Omnia

Synodi Monopolitanae.

5

& singula, qua de Peccato Originali, & de Iustificatione in sacrosancta Tridēтина Synodo definita & declarata fuerūt amplector, & recipio. Profiteor pariter in Missa offerri Deo verum, proprium & propitiatorium sacrificium pro viuīs & defunctis, atque in Sanctissimo Eucharistia Sacramento esse verē, & realiter, & substantialiter Corpus & Sanguinem, unā cum anima, & diuinitate Domini Nostri IESV CHRISTI, fieriq; conuersionem totius substantia panis in corpus, & totius substantia vini in sanguinem, quam Conuersionem Catholica Ecclesia Transubstantiationem appellat. Fateor etiam sub altera tantum specie totum atque integrum Christum, verumque sacramentum sumi. Constanter teneo Purgatorium esse, Animasq; ibi detentas fidelium suffragiis iuuari: similiter & Sanctos unā cum Christo regnantes venerandos, atque inuocandos esse, eosque orationes Deo pro nobis offerre, atque eorum Reliquias esse venerandas firmissimē assero.

IMAGINES Christi, ac Deiparae semper Virginis, necnon aliorum Sanctorum habendas & retinendas esse, atq; eis debitum honorem, ac venerationem impertiendam. Indulgentiarum etiam potestatem à Christo in Ecclesia relictam fuisse, illarumq; usum Christiano Populo maxime salutare esse affirmo. Sanctam Catholicam, & Apostolicam Romanā Ecclesiam omnium Ecclesiarum Matrem, & magistrā agnosco; Romanoq; Pontifici Beati Petri Apostolorum principis successori, ac IESV CHRISTI Vicario veram obedientiam spōdeo ac iuro. Cetera item omnia à sacris Canonibus, & Oecumenicis Conciliis, ac precipuē à sacrosancta Tridēтина Synodo tradita, definita, & declarata indubitanter recipio atq; profiteor, simulq; contraria omnia, atq; haereses quascunque

ab Ecclesia damnatas, & reiectas, & anathematizatas, ego pariter damno, reiicio, & anathematizo.

HANC veram Catholicam fidem, extra quam nemo saluus esse potest, quam in presenti spontè profiteor, & veraciter teneo, eandem integram, & inuiolatam vsque ad extremum vitæ spiritum constantissimè, Deo adiuuante, retinere, & cōfiteri, atque à meis subditis, vel illis, quorum cura ad me in munere meo spectabit, teneri, doceri, & predicari, quantum in me erit, curaturum, Ego Idem N. Spondeo, voueo, ac iuro.

Sic me Deus adiuuet, & hæc sancta Dei Euangelia, Amen.

Sed ad extirpandas de agro Dominico 'zizanas, vtq; fidei puritas immaculata in Ciuitate & Diœcesi nostra conseruetur, cuiuslibet in virtute sanctæ obedientiæ, & sub Excommunicationis latæ sententiæ pœna distriktè præcipiendo mandamus, vt nobis & successoribus nostris pro tempore, si quos fortasse de Catholica fide suspectos audiuerit, denuntiet, vt contra tales ad sacrorum Cānonum dispositionem debitè procedatur. Informationes autem, ac processus quoscunque aduersus improbum huiusmodi hominum genus confectos, Romam ad Illustrissimos Cardinales officij sanctæ Inquisitionis transmitti quamprimùm volumus, vt ipsi quid in causa statuendū sit, pro eorū auctoritate, & prudentia cognoscant. Curæq; Parochis sit, omnem adhibere diligentiam, atq; conatum homines huiusmodi deperditos inquirendi; vagos etiam, & qui incertas habent sedes, obseruent, ne ex eorum fortasse moribus innocentium vita corrumpatur.

Quia verò curandum est, & sacerdotali diligentia
ma-

maximè providendū, vt adulterati codices, & à sincera veritate discordes in nullo vsu lectionis habeantur; multum enim proficiunt ad impietatem, & sermo eorum vt cancer serpit; Bibliopolis omnibus, præsertim aduenis in ciuitate, & Diœcesi nostris, libros quocūque nomine censeantur, absq; nostra licentia in ipsorum Indice scriptis obrenta, venales habere sub eorūdem amissionis pœna prohibemus. Regij autē Dohanerij, atq; Ciuitatis Ianitores, & alij quicumq; penes quos vectigalis ratione noui libri deponuntur, eos nisi prius ab Episcopo, vel deputandis ab ipso reuideātur, Bibliopolis, siue quibusuis aliis non restituant: quod si contrafecerint, à fidelium communione separentur.

De Baptismo. Cap. II.

A fuit instituti nostri ratio in hac Synodo cōponenda, vt Clericos, & alios curę nostræ subiectos, de iis quæ ad Sacramentorum administrationem, & Ecclesiæ Monopolitanæ profectum viderentur magis necessaria, quātum cum Deo possumus, instrueremus. Quamquam igitur sciamus, multa & quidem singularia tum in Conciliis Generalibus, tum etiam in Synodalibus, & vbiq; de huiusmodi tractatione legi; nihilominus ea in medium nos afferemus, quæ aptiora negotio nostro cognouerimus. Quare de Baptismo, vt est aliorum Sacramētōrū ianua, in primis tractaturi, Ecclesiarum omniū Parochialium Præpositis sollicitè curādum præcipimus, vt infantes Parochiæ suę ad ipsorum Ecclesias quamprimum

supra baptizandi caput de cetero perfundatur.

Parochi, si aliquando iusta causa fuerint impediti, baptizandi munus non omnibus, sed dignissimis tantum sacerdotibus, quoad eius fieri poterit, concedant.

Patrinos doceant quam cum Baptizatis pueris, eorumque parentibus, ex illorum susceptione cognationem contrahant.

Librum singuli conficere debebunt, in quo infantium baptizatorum, parentum, suscipientium, & Sacerdotis baptizantis, qui pro tempore erit, nomina, familiae, annus, mensis, & dies baptismi ordine ab ipsis describatur: Cuius exemplum anno quolibet Episcopo, vel eius Vicario deferant; aliis eorum arbitrio puniatur. Expositis cum Cartula pueris, qua eos dicitur esse baptizatos, non statim fidem adhibeant, sed veritatem peruestigare diligentissime curent: quod si dubium erit, an verè fuerint baptizati; tunc eos, seruata Catechismi Romani forma, sub conditione baptizent.

Obstetrices, quotquot in Ciuitate sunt, singulis annis per Ordinarium examinentur, an rectam baptizandi formam memoriae teneant, beneque illam pronuncient; aliàs baptizandi munus ipsis interdicatur, neque huiusmodi officio fungantur (etsi idoneae sint) nisi ob necessitatem tantum, scilicet si Parochus occurrere non posset, vel alius Sacerdos, vel Diaconus, vel Subdiaconus, vel Clericus in minoribus constitutus, vel ultimo loco masculus, ubi decenter id fieri poterit: quibus deficientibus tunc facultas feminae sit baptizandi, seruata forma, scilicet, *Ego te baptizo, in nomine Patris, & Filij, & Spiritus sancti, Amen.* Aquam super ba-

ptizandum eo tempore , quo verba profert, perfundēs, quæ naturalis sit sine salis admixtione . Diligenterq; curent Parochi, sæpius mulieres huiusmodi admone- re, illasq; certiores reddere de facultate , quæ sibi tribuitur; & ne vltra quàm ipsis conceditur, auctoritatē sibi arrogent, illas proposita in præsentī Synodo pœ- na deterrendo, compescant . Neque obstetrices præfa- ræ ad huiusmodi admittantur officium , nisi præstito per ipsas in manibus Ordinarij, vel etiam Parochi iu- ramēto, de obseruando contenta in præsentī Decreto.

Quando infans domi necessitatis causa baptizatur, & ad Ecclesiam postea defertur , vt eæ celebrentur so- lemnitates, quæ defuerunt ; Parochus actum illum in eius libro Catechismum cum Exorcismo fuisse descri- bat, non autem Baptismum.

Obstetrices, si quem interdum pudoris causa clam parentibus non indicatis, baptizari velint , vt fortasse scandalum euitetur, à Parochis admoneantur , vt pue- rum quacumque hora ad cuiuslibet Parochiæ Recto- rem deferant, qui cum præscripto nostro baptizare nō remorabitur.

Super omnia meminerint Parochi, dum per eos ba- ptizandi munus huiusmodi , vel in Ecclesia publicè, vel ex aliqua fortè necessitate exercetur in priuata do- mo, mulierū abusus , atque superstitiones præcauere, idq; maximè decet, ne vituperetur ministeriū nostrū.

De Confirmatione. Cap. III.



V *M* omnes fideles per manuum impositio- nem Episcoporum, Spiritum sanctum post baptismū accipere debeant, vt cor fidele ad
pru-

prudentiam, & constantiam dilatetur, cumque in cōfirmatione ad gratiam augmentum præstetur, sitque in hoc mundo tota ætate victuris, inter inuisibiles hostes, & pericula gradiendum; nos ad pugnam confirmari necesse erit: nam, etsi continuò transituris, sufficiant regenerationis beneficia, viuentibus tamen Confirmationis erunt auxilia necessaria, quæ nos armat ad vitæ huius agones, ac prælia quotidiana.

Ne igitur Episcopo, qui subiectarum ouium sibi saluti, quâ tum in Domino valuerit, prospicere tenetur, imputari aliquando contingat fidelis populi iactura, Propheta dicente, *Maledictus homo qui facit opus Dei negligenter*, statuimus, vt nostræ Ciuitatis, atque etiam Diœcesis Parochi diebus peractis sacratissimæ Pentecostes, omni qua poterunt celeritate, & diligentia commissas sibi Plebes visitent, perquirêtes, an aliqui sint, qui Sacramento Confirmationis indigeant.

Septennio non minores. Baptizati.

Non alienæ Iurisdictionis.

Eorumque nomina in scriptis redigant, vt illos confirmare possimus. Adultos admonentes, vt piè ad tam salubre Sacramentum accedant ieiuni, nisi aliud necessitas exposulauerit, & eorum peccata confessi. Illud animaduertentes in primis, ne Patrini admittantur, qui eundem in baptismo susceperint, quiuè eius pater sit, vel coniux, qui que Dominicâ Orationem, Salutationem Angelicam, & Symbolum nesciant, neque etiam non confirmati, infames, excommunicati, publicè criminosi.

Vnus vnum confirmandum, feminæ feminas, masculi ma-

li masculos teneât; nō tamen natu maiores, ob decentiā quandā, quæ nō immeritò in hoc videt̃ adhibēda.

Eorum Ecclesias insigniori, quo poterunt apparatu exornent Parochi, pro re tam illustri.

Confirmandis quibuscumque schedulam cū ipsorum & suscipientiū nomine tribuant, sua manu signatam, cum qua se coram Episcopo præsentent, eaq; alicui assistentium Pontifici tradita, confirmentur.

Postremò, Parochi schedulis huiusmodi receptis, Confirmatorum nomina, Patrinorumq; diligenter in Codice describant, cum Episcopi, ipsius anni, mensis, dieiq; annotatione; sed maximè caueât, quantū in eis est, ne qd tumultuariè, neuè quid inordinatū in eorū Ecclesiā fiat: scriptū est enim: *Que Dei sūt, ordinata sūt.*

Chrismatorū frontes bombice à Parocho, seu alio Sacerdote, ex Parochi ipsius licentia, tergantur, lauenturq; postea, & aqua in Sacrarium proiciatur, bombice combusta.

Iidem Plebes suas frequenter exhortētur, vt vnusquisque familię pater, tam eos, qui in agro sunt, quàm qui domi suæ commorantur, ab Episcopo confirmari curet: quod si id facere contempserit, grauissimè peccabit. Si qui verò fuerint in aliqua Parochia infirmi, qui Confirmationis sacramentum non susceperint, de ipsorumq; morte timeatur, à Parochis Episcopo renūtiētur, vt ad ipsos Episcopus accedēs, & eos paterna charitate inuisat, & chrismate confirmet.

Doceant Parochi quos oportuerit, quæ in huiusmodi Sacramento contrahatur cognatio ad sacri Concilij Tridentini præscriptum, eosq; grauiter errare, qui

qui per negligentiam suscipere Sacramentum Confirmationis omiserint.

De sanctissimæ Eucharistiæ Sacramento. Cap. IIII.



QUONIAM, quæcunque voluit Dominus, fecit in celo & in terra: & quia voluit sic, factum est ita. Vnde SALVATOR noster discessurus ex hoc mundo ad Patrem, sanctissimum Eucharistiæ Sacramentum instituit, memoriam faciens mirabilium suorum, quod sumi voluit à nobis, tamquam spiritua-lem animarum nostrarum cibū, quo aleremur, & confortaremur, probantes in primis nosmetipsos, ne si indignè sumamus, nos nobis iudicium manducare & bibere contingeret. Qui enim sceleratè viuunt in Ecclesia, & communicare non desinunt, putantes se tali communione mundari, discant nil ad emundationem proficere, sibi dicente Propheta: *Quid est, quod dilectus meus fecit in domo mea scelera multa: numquid carnes sanctæ auferent à te malitias tuas?* sed quoniam non in eum finem de sanctissimis Ecclesiæ Sacramentis pertractamus, vt eorum omnium, vt diximus, institutionem, vim, & efficaciam, quæ iam vbique tradita, atque declarata sunt, iterū doceamus; sed vt circa ipsorū vsum, atque administrationem, quid in Ecclesia nostra seruandum, quid uè etiam vitandum pro Dei gloria sit, in medium afferamus.

Custodiam igitur in primis Eucharistiæ Parochis nostris quibuscumque, quātū cum Deo possumus, cō-mendamus, qui oleum de oliuis purissimum, ac lucidū parent ad concinandas lucernas ante Dominum, quæ
quot

quot quot erunt, perluceant semper, ac ardeant iugiter. Sed, si quando Parochi plurium lampadarū onus ferre non possint, vna tantum retenta, alias amouere debebunt; ne, quæ fuerint restinctæ, cum indecētia pēdeant. Verum Dominicis diebus, ac aliis per annum solemnioribus pro Ecclesiæ consuetudine, & festi solemnitate, in Cathedrali nostra præsertim augeatur.

De Processione. Cap. 5.

PIVM & religiosè admodum in Dei Ecclesiā introductum illū morem diligentissimè obseruari mandamus, vt singulis annis præcellsum hoc & venerabile Sacramentum peculiari ipsius festo die, ac etiam in octaua, & quandocumq; pro aliqua re graui publica necessitas imminabit, in Ciuitate, & Diocesi nostra singulari veneratione reuerenter, & honorificè in processionibus per vias, & loca publica circumferatur.

Parochi autem pridie eius diei, quo Processio fiet, suas Parochias visitent, nequid in plateis, lætitiæ gratia, indecens, impurum, profanumq; repræsentetur; præsertim commensationes & cruentas historias, magis autem fabulas, quæ ad risum potius, quàm ad deuotionem populo sunt, omnino prohibeant.

Viarum Curatores admoneant, vt operam dent, solum suis locis æqualiter sterni, ne in tanti Sacramenti delatione incommodo ferenti sit, idque per totam Ciuitatem fieri debebit, cum ad infirmos quotidie Sacramentum hoc deferatur.

Altare ex quo gestandum Sacramentum suscipitur
in

in Ecclesia, quàm magnificè, ac splendide multis luminibus, & lampadibus accensis exornetur.

Et ne temporis angustia, Missam, atque Processionem conturbari contingat, Ministri pluuiialibus, & dalmaticis albis, ante ipsius Missæ celebrationem induantur, vt sacrificio huic primo deferuiant, & postea in processionibus Sacramentum associant.

Id ipsum in Parochiis custodiatur, vt prius Missa celebretur, deinde presbyteri ad Processionē inchoandam in cathedralem deueniant.

Confratres, ex suorū superiorū præscripto, sodalitatibus vestibus induti, oēs suo loco, & tēpore procedāt.

Laici similiter, ac mulieres ita subsequantur, vt Processionis ordo ipsorum causa non confundatur.

In incessu, iuxta laudabilē nostræ Ciuitatis morē, omnes tã Clerici, quàm laici capite detecto sint, & à sermonibus, ac aliis abstineant, quæ parum religiosi animi signa poterunt indicare.

Clerici hymnum canant, *Pange lingua gloriosi*. Item & psalmos qui recitantur in officio diei.

Gurēt Parochi per singulas Ciuitatis Parochias eo loco videlicet, quā sanctissimum hoc Sacramētū pertransibit, Altaria luminibus, & imaginibus exornari, vt Episcopus, siue alius illud deferens paululum quiescat, ex cuius manibus iidem, stola, & pluuiali induti, Sacramentum ipsum accipiant, & reponant super altare, incensentq; continuò, ac tandiū, quousque illud Episcopo restituant.

Admoneantur omnes quicunq; ij sint, siue viri, siue mulieres, vt eo temporis momento, quo sanctissimum

Hoc est
sanctissimum
Sacramentum
an 1570
Xpianum

Ac cū in
Synodo ca-
p. 3. m.
1638. Tit.
XX. cap. 7.

munus istud Sacramentum ante ipsorum domum incedit, ad inferiora descendant, & ex imo loco flexis genibus humiliter illud venerentur.

Infra octauam Corporis Christi, Altare maius in Cathedrali quàm magnificētius fieri poterit instruat, in quo singulis diebus, eodē vase, quo per urbē delata fuit sanctissima Eucharistia, de mane collocetur, ut fidei populo in conspicuo sit, quatuor adhibitis Custodibus, duobus nempe Sacerdotibus, ac totidem Clericis, qui luminaria quotidie, ne fortè extinguantur, ne uē quid aliud aduersi contingat, sollicitè curabunt.

Anteaquàm Vesperæ inchoentur, per Ecclesiam de more gestetur: quibus tamen absolutis, in ligneo tabernaculo recondatur. Quod etiam, ut fieri hactenus consuevit, in Ciuitatis & Diœcesis nostræ Parochialibus seruari perpetuò præcipimus.

In oratione Quadraginta horarum, quam singulis mensibus ex Gregorij XIII. Pontificis Max. perenni Indulgentia, eademq; plenaria celebramus, vniuerso eotempore in conspicuo venerabile Sacramentū hoc in altari, ea qua decet honorificentia poni, retineriq; mandamus.

De delatione sanctissimi Sacramenti ad infirmos. Cap. VI.

PAROCCHVS paratam semper habeat Eucharistiam, ut cum aliquis infirmatus fuerit, illum statim cōmunicet, ne sine viatico decedat: ieiuno tamen & de mane, nisi aliud necessitas suaserit, Sacramentum hoc ministretur. hoc enim vniuersa per

sa per orbem seruat Ecclesia, quod nos omni qua possumus diligentia custodire debemus. Id autem acris ingruente tempestate, nisi mortis periculum ægrotantibus immineat, in aliud tempus differatur.

Quod vt ordine fiat, præmoneat eos, qui sunt in domo infirmi, vt viam propè domum mudent, ipsasque ædes sordibus purgent, & ex eorum facultate exoriant, & præcipuè scalas ascensu difficiles accommodet, Mensam mundis linteaminibus aptent, & duo candelabra superimponant: Sed si infirmi egestas, ea fieri non permiserit, Confratrum, & ipsius Parochi studio comparentur, Parochus interea in Ecclesia, antè horam accessus ad infirmum, cum maiori campana pro conueniendis Cōfratribus, ac aliis signum dabit, necnon & Clericos cum tintinabulis per parochiam transmittat, vt Sodalitatis vestibis induti, eam associant, faces accensas cum duabus laternis deferentes.

Quibus conuocatis Parochus duas sacræ Eucharistiæ particulas assumat, aut vnā, si loci distantia, vel itineris, temporisue difficultas, vel alia causa id ei persuaserit. In via Sacerdotes & Clerici tum in eundo ad infirmi domum, tum etiam in redeundo ad Ecclesiam, alternatim Psalmos de more recitent, & Laiici fabulationes vitent, & alia, quæ populi deuotionē conturbare possunt. Sed capite detecto pro tanti Sacramenti reuerentia piè & modestè illud associant. In Ecclesia verò benedictionem omnes suscipiant, & Indulgentiæ à Parocho publicentur.

Domum ingressus, Sacerdos Pixidem super Mensam imponat, consuetas preces dicat, iuxta ritum Ro-

manum, & lauet manus, vt infirmum communicet, qui ante pectus paratum habeat linteum, & post communionem digitos abluat, & ablutionem sumat, aut infirmo porrigat, vel alicui compresbytero. Interea Sacerdotes astantes, & Laici de more Dominicam orationem, & salutationem Angelicam pro infirmi salute dicant.

Sciat Parochus nō debere se, quandocumq; aliqua de causa vnā tantū Eucharistiæ particulam ad infirmum detulerit, ea sumpta, in Ecclesiam cum apparen- ti vasculo reuerti, sed absque superpelliceo, & stola, & vmbella, atque etiam sine tintinabulo, & luminibus extinctis redeat.

De Communionē generali. Cap. VII.

QUOMODUM vtriusq; sexus Christi fideles, cum ad annos discretionis peruenerint, quod prudentis Parochi iudicio relinquitur, qui spirituales filios suos instruere antea debebit, saltem semel in anno in die Paschatis Resurrectionis Domini Nostri IESU CHRISTI in propriis eorum Parochiis communicent.

Admoneantur tamen frequentius hoc facere, maxime in solemnioribus festiuitatibus, nempe Natiuitatis Domini, Pentecostes, Corporis Christi, sanctissimæ Trinitatis, Assumptionis Beatissimæ Virginis MARIAE, & omnium Sanctorum, præsertim quoque orationis Quadraginta horarum tempore, vt plenariam omnium peccatorum remissionem consequantur, & quo ad eius fieri poterit, inducatur etiam fidelis popu-

lus ad tam salubre Sacramentum suscipiendū semper quòd aliquod concedi, ac promulgari Iubileum contigerit, ne Dei benedicti gratiam, ac salutem nostram eodem tempore negligere videamur.

In probabili autem mortis periculo constituti, puta longius nauigaturi, Mulieres prægnantes, partuiq; vicinæ, & cæ præsertim, quæ alia vice nō pepererint, iter per loca periculosa facturi ob latronū, viarumq; crassatorum insidias, viaticum hoc accipere non omitant: *Si enim Deus pro nobis, quis contra nos?*

Sed de his, qui pro suis sceleribus capite damnantur, hoc statuimus, vt si de omnibus peccatis puram confessionem egerint, digneq; pænitere visi fuerint, eisdem communio non denegetur: quæ tamen non statim, sed per diem antequam vltimo afficiantur supplicio (si fieri potest) erit illis concedenda.

Clerici in minoribus constituti, seruitio præsertim nostræ Cathedralis, aliarumq; Parochialium ascripti, sæpius, maximè autem in oratione Quadraginta horarum, communicent.

Subdiaconi, & Diaconi, saltem diebus Dominicis, & solemnibus, & cum Altari ministrauerint; Presbyteri verò, qui aliàs vel infirmitate aliqua, vel senectute legitimè fuerint impediti, saltem iis diebus sumant Eucharistiam, quibus Missæ sacrificium, huiusmodi impedimento cessante, peragere tenerentur.

Sacerdotes, & Clerici in Ecclesiis quibuscumq; Ciuitatis, & Diœcesis nostræ, ad sanctum hoc Sacramentum suscipiendum absque superpelliceo non accedāt. Sed Presbyteri orarium etiam, siue stolam habere debebunt,

bebūt, ipsis in Altaris gradu superiore, ac etiam Diaconis, & Subdiaconis; in inferiori verò Clericis Eucharistia ministrei, Mulieribus & Laicis extra Presbyteriū.

Sāctimoniales singulis mēsisbus cæleste hoc pabulū, quo salutari se præsidio muniāt, accipere nō omittāt, ad omnes oppugnationes dæmonis fortiter superādas: Quod scrupulosis, ac negligentibus Parochi frequentius agere persuadeant, cū illis medicinā, istis autem rectè viuendi studium, vt Christianos decet, Deus per Eucharistiæ Sacramentum clargiatur.

Postremò coniugēs erūt admonēdi, vt anteaquā contrahant, vel triduo saltem ante matrimonij cōsummationem, & Confratres ad suarum sodalitarum præscriptum, eo tempore communicent, quo ipsis peccatorum suorum plenariē à summis Romanis Pontificibus remissiones indulgentur.

Cum ad Dominicam Cænam fideles cōueniunt, ad celebrandam Christi passionis memoriam accedunt: quapropter eo habitu corporis se cōponant, quo proprius tāti mysterij rationē explicare valeāt. Nō ergo mares cū armis, chirotecis, plumis, odoribus, vnguentis, nō cū indecenti veste, & mulieres ipsæ nō flabella, crines intortos, fucatos vultus, nō vestes dissectas, aut alias vanitates deferant; sed capite operto, vultu modesto, & veste communi vtantur.

Omnes ieiuni sint, qui ad Sacramentum istud suscipiendum accedunt.

Abusus ille quorundam tollatur, qui cum rarò sua confiteantur peccata, statim atq; cōfessi fuerint, nulla ferè interiectā mora, ad sacram sumendam Eucharistiam,

stiam, non ea qua decet reuerentia, ac animi præparatione accedūt, sed tamquā obligationis pōdus deponere volentes, ad Dominicā mēsam quodāmodo currūt, nō aduertentes maximā irrogari iniuriā Sacramento huic tā præcelso: & ideo inter eos imbecilles sūt ac infirmi, & dormiunt multi. Hos igitur Parochi paternā admoneāt charitate, vt se per triduū saltē post peccatorū peractā confessionē, nisi aliud expedire magis videretur, à cōmunionē abstineāt, & interim orationibus vacēt, memores illius, qui dixit, *Domine nō sum dignus vt intres sub tectum meum*. Eucharistiaq; sumpta, dicat vnusquisque, pro gratiarū actione, ter orationē Dominicam, ac totidē vicibus Salutationem Angelicam, vel pias orationes alias pro libito cuiusque.

Et quoniam, *non est bonum sanctum dare canibus*, diligenter aduertant Parochi, quibus Sacramentum hoc ministrent, ne fortē eorū aliqui excommunicati sint, vel publicē vsurarij, aut aliās notoriē criminosi: super hoc autem ipsoꝝ conscientia plurimū oneratur.

Neque admitti debēt qui tēpore Paschatis, præsertim si alieno Sacerdoti sua peccata cōfessi fuerint, cōfessionis testimoniū, & schedulā in prōptu nō habeāt.

Parochus in generali populī cōmunionē duos saltē Ministros habeat, quorū vnus, qui Diaconus sit, Pixidē teneat, alter patenam cōmunicātis ori supponat: luminaria pro Ecclesię facultatibus, & linteamina mūda non desint: vinum, & aquā ad purificationis vsum, communicatis pro cuiusq; voluntate porrigant.

Communione autē principio omnes admoneātur, ne mortalis peccati, sibi cōsci Eucharistiā sumāt, idq;
sem-

semper in generali communione, ne ex temporis forte differentia, populo cōtra aliquē suspicio ingeratur.

In generali communione, iuxta laudabilem Ecclesiæ nostræ morem, facta in Choro confessione, & à Sacerdote ministratæ absolutione, hymnus: *Pange lingua gloriosi*, & psalmus: *Benedicam Dominum in omni tempore*, modulatè canantur.

Sacerdos, cum se ad populum conuerterit, ea proferre verba non omittat, *Ecce agnus Dei, ecce qui tollit peccata mundi*, & Hostiam ori communicantis ingerens, *Corpus Domini Nostri IESV CHRISTI custodiat animam tuam in vitam æternam*, qui statim respondeat, *Amen*; quod antea ab ipso Sacerdote præmoneatur.

In animarum recensu, Parochi pro communicatis nō habeant eos, qui legitimum testimonium ab locorum Ordinariis, si extra Ciuitatem communionis tēpore fuerint, vel aduenæ sint, non ostendunt. Negligētes autem Episcopo renuntient, vt contra eos, iuxta sacrorum Canonum dispositionem procedat.

De celebratione Missarum. Cap. VIII.

VT sacrosanctum Missæ sacrificium omni religionis cultu, interioriq; cordis munditia, & puritate, atque exteriori demum deuotionis, ac pietatis specie celebretur, omnem operam, atque curam, & diligentiam interponere debemus. Curent igitur celebraturi præparare corda Domino, seseq; colligere in loco, quoad fieri poterit, ab aliorum frequentia separato, ibiq; Deum deprecentur, vt sibi spiritum deuotionis elargiatur, ora-

orationesq; ea de re ab sanctissimis Ambrosio, Bonauentura, & Thoma Aquinate pie conscriptas pro temporis opportunitate perlegant; euagationum, colloquiorumque, seu confabulationum, quæ ad rem non pertinent, occasiones fugiant, ne muscæ morientes perdant odorem vnguenti; & antequàm ad Missæ sacrificium peragendum accedant, eos Missam totam percurrere decebit: noui Missalis regulæ tum circa celebrationem ipsam, tum etiam quoad sacrarum vestiû colores, omnino feruentur: & experimêto didicimus, maximam celebrantis præparationem esse, si Missam audiat antequàm celebret.

Omnes Sacerdotes teneantur omnino celebrare, cessante legitimo impedimento, diebus Dominicis, & festis. Parochi autem tam frequenter, vt muneri suo satisfaciant.

Nullus Sacerdos vagus, & ignotus admittatur sine sui Ordinarij cômendatitiis litteris, quæ recêtes adeò sint, vt de eius vita & moribus suspicionem ingerere non possint.

Celebrandi licêtia vel à nobis, vel à Vicario nostro generali in scriptis concedatur.

Publicè, ac notoriè criminosos à celebrando abstinere iubemus.

De tempore celebrandi. Cap. IX.

MISSAE neq; ante auroram, neq; post meridiẽ, nisi in casibus à iure permissis, celebrentur. In nocte Natiuitatis Domini Nostri IESU CHRISTI, non ante septimam horam.

Matinales; quæ vocantur vulgò, ante solis ortum per duas horas ex sanctissimi Gregorij Papæ XIII. cō-
cessione.

Votivæ post defunctorum Missam, vel etiam post
Conventualem pro temporis opportunitate decāten-
tur. In aliis quibuscumq; novi Missalis ordinem ser-
uari omnino præcipimus.

Quæ autem Mortuorum, siue de Requie vocātur, in
diebus festis & solemnibus celebrari non debebunt,
nisi in die Depositionis defuncti. Et tunc in nostra Ca-
thedrali sub corpore Ecclesiæ, quam Confessionē ap-
pellant. In ceteris Parochialibus, eo tempore quo di-
uina officia non impediuntur.

Canonici nostræ Cathedralis Ecclesiæ diebus Do-
minicis, Apostolorum, & Beatæ MARIAE gradatim te-
neantur Missam decantare, cum ista consuetudo in re-
formatis Ecclesiis ubiq; vigeat.

De loco celebrandi. Cap. X.

IN Oratoriis Cappellisvè ruralibus, nisi à no-
bis impetrata scripto licentia, non celebre-
tur. Super altaribus autem iis, sub quibus
mortuorum cadauera sunt, Missæ sacrificium perage-
re nemini liceat: quod si contra per aliquem factum
fuerit, arbitrio nostro, successorumq; nostrorum seue-
rè punietur.

In Altari in quo Episcopus celebrauit, eadem die,
nisi de eiusdem Episcopi licentia, celebrare alteri non
permittitur.

In priuatis domibus, atq; etiā publicis, scilicet ex-

Ecclesiam; & diuino cultui dedicata Oratoria, in Nauigijs, aut sub dio, sanctum hoc Sacrificium perfici omnino prohibemus, quamuis extra Missæ celebrationem benedictiones permittantur.

De Preparatione celebrantis, & de Ministro. Cap. XI.



Audabilem Ecclesiæ nostræ consuetudinē custodiri volumus, vt celebraturi omnes, ante Missæ celebrationem confiteantur.

Intentionem discutiant, ne ex consuetudine, id est, sine mentis discussione, neve ex auaritia, hoc est ob lucrum temporale Missam celebrent: generalem contritionem habeat vnusquisque super omnis, quæ facere debuit, potuit, & non fecit; commissis, quæ facere non debuit, consuetis, & sæpe confessis.

Puram & veram Confessionem faciant, notabiliū, communium, generaliter verò ignorantium criminū, cordis, oris, & operis.

In Oratorijs ea de re in Ecclesiæ nostræ Sacristia confectis, alijs vè in locis segregatis confiteatur, & antequam sacras vestes celebraturi se induant, Deo se deuotè commendent, actualēq; deuotionē habere in Missa diligentissimè curent, vt tanti mysterij fructum colligant.

Vnusquisque ad præscriptum Communellæ Præfati se ad celebrandum induat, qui non erit personarum acceptor, sed præuenientibus locum dabit.

Celebrans linteolum mundū ad nares tantū emungendas habeat, ad albæ cingulum appensum. Aperto capite celebret, nisi eum impediāt aduersa valetudo, & tunc subireto de Episcopi licentia vtatur, præter-

quàm à Canone usq; ad p̄rfectam communionem.

Præcipuam Calicis, & corporalis mundificationē celebraturi curent.

Omnē adhibeant diligētiam Sacristæ in Hostiarū confectione, quæ sint ex simila mundissima, non nimis crassæ, frequētius autem in hyeme, quàm aliis temporibus, & bis in hebdomadā conficiantur, & in ligneo vasculo, & rotundo conferuentur, hostiisq; ipsis pondus aliquod lineæ tela, ac tenui munitū superponatur.

Calicis purificatorium Crucē acti p̄iā habeat in ipsius medio, quod ad ipsum Calicē tergendū tantūm deferuiat, & velū, quo calix tegitur, vñā cum bursa, siue corporalis sacculo, ceteris indumentis respondeat.

Cādelle in Altari accensæ; cēreus, & ampullæ à Clerico præparentur, quæ eiūsmodi sint, vt vinum, quod album & clarum sit, ab aqua perspicuè distinguatur.

Biretum in Altaris mēsa, neq; immundum aliquid reponatur.

Laicos, Mulieres præsertim, adeò à celebrāte distare præcipimus, vt cōmodè quidem Missam audire possint, sed propius accendēre nolumus, nè Sacerdoti, vel Clerico impedimento aliquo modo sint.

Celebranti ministrare nemo audeat, nisi Clericus: qui in eundo ad Altare Sacerdotem præcedat, talari veste, & superpelliceo indutus, non consumptio, aut lacero, mundas babeat manus, in incessu compositus, cum reuerentia & timore, à Sacerdote non longè sed propè, vt videatur illum associare.

Eidē ministrans, oculis non diuagetur, sed Altare, & celebrantem ipsum respiciat: neminem colloquatur,

tur, aut interrogatus respondeat, nisi forte ex causa rationabili; munere suo reuerenter, ad eas, quæ decet modestia fungatur, scitò sciens, se CHRISTO in Missa non simplici Sacerdoti deferuire.

In Missis celebrandis ceremonias alias, vel preces præter eas, quæ in Romano Missali iubentur, nemo audeat interponere.

Sacerdos discretionē habeat in legendō, vt scilicet alios non perturbet, ne nimis depresso vt à circumstantibus non audiatur, ne nimio clamore vt ab omnibus per Ecclesiam totam intelligatur, quod non decet, nisi quando Missa decantaretur: sed distinctè, sed canorè, sed deuotè legat. Maturus sit in exequendo, nō curiosus in circumspectando, non leuis in se mouendo, nec inurbanus in inclinando, non tædiosus in prolongando: Neque nimis festinus in terminando; sed deuotus, circumspectus, & exemplaris.

Nemo celebrās aduētū cuiuscūq; personæ Missam remoretur, aut iā dicta repetat, sed inceptā psequatur.

Laici ad sacri Canonis prolationē, vsq; ad cōionē Sacerdotis genua flectant, totoq; sacrificij tpe bireto nō vtant, neq; fabulent, aut aliō indecētī modo Missā audiāt; sed mēte, cōposito corpore, quod agit, percipiat.

Pauperes inter Missarum solemnias Eleemosynam petere non permittantur.

Ad signum eleuationis Corporis Domini Nostri IESU CHRISTI, quod in Conuentuali Missa, ex laudabili Ecclesiæ nostræ consuetudine cum maiori campana dari solet, vnusquisq; vbilibet reperiatur, si id commode fieri poterit, caput aperiat, & genua flectat.

Peracto Missæ sacrificio, Orationes iuxta Missale Romanum Sacerdos attentè dicat, excellentiam tanti Sacramenti deuotè meditando, & Deo pro suscepto munere gratias agat.

Meminerit post cōmunionem continuò cibum nō sumere, nec citò spuat in loco indecēti, neq; statim sæcularibus negotijs se implicet, ociosus aliquo pacto nō inueniāt, nec sine deuota lectiōe diu permaneat.

Absoluta Defunctorum Missa nigro Pluuiali Sacerdos induatur, quem Chorus expectet, & Hebdomadarijs p̄cedentibus, ac in gyrum astantibus in medio Ecclesiæ, cōsuetas cērimonias faciat, quibus terminatis, eodem ordine, Cruce præeunte, in Sacristiam redeant.

Candelarum distributio, præter eas, quæ in manibus feruntur, accensæ, inter præsentēs tātummodo, & in Sacristia, sine strepitu fiat.

De Abusibus. Cap. XII.

IN Missis, quæ Nouellæ dicūtur, nihil prorsus accipiatur, liceat tamen illas celebrantibus, à consanguineis, alijsq; quibuscunque extra Ecclesiam sponte oblata, iuxta Regionis morem in Domino recipere.

In quibus choreæ prohibentur, commestationes, alia quæ huiusmodi profana.

In die Festo SS. Antonij, Do nati, & similium, morē illum superstitiosum ponendi filios in stateris ex vna, & ex alia parte munera, vt æquo sint pondere, cum corona candelarum inter Missarum solēnia, in omnibus Ciuitatis & Diocesis nostræ Ecclesijs seruari de cete-

ro omnino prohibemus.

Dum Missæ sacrificiū peragitur, in eadem hymnū, *Te Deum laudamus*, canēre nemini liceat: sed extra matutinū, quo tēpore ratione officij, quod psallim⁹ dicēdus est, pro re tñ graui, & de nostra licentia decātetur.

De Superstitionibus. Cap. XIII.



Vperstitiosus etiā abusus ille, & à radice prodiens inhonestæ cupiditatis, quo nonnulli in Missæ celebratione pro certo quinque carolentorum pretio, vt aliquando factū audiuius, conuenire non verentur, mentientes Missam, quam appellant S. Augustini, aliàs nihil eam celebrari faciētibus valere, è medio tollatur.

Neq; Missæ celebrentur cum certo candelarum numero, quem vt aliqui occūtent, eas in modū cerei cōtorquent. Nec quæ celebrari petuntur à nonnullis mulieribus ex tantū mēdicata eleemosyna, pro ijs, qui in vinculis detinētur, aut pro afflictis alijs, vt ipsis ista seruata conditione prosint.

Neq; multis interpositis Euangelijs.

Neq; Trinitatis, vt vocant, scilicet tres in eodē Altari, nulla interposita mora; adeò, vt cum Sacerdos vnus Missæ sacrificium vix peregerit, alter celebraturus præsto sit, namq; superstitionē sapiunt. Non enim ex huiusmodi numero, certo ve tempore, atque Missas dicendi modo à Deo gratias impetramus, sed ex virtute sanctissimi Sacrificij, quod in eis peragitur.

Presbyteri, quicūq; ij sint, qui huiusmodi nefandæ fraudis fabricatores extiterint, aliàs ve in supradictis casibus

calibus consentientes erunt, ipso facto suspensionis poenam incurrant.

Parochi frequenter moneant Patres familias, vt filios pueros ad Ecclesiam vel transmittant, vel secum ducant ad Missam audiedam, præcipuè diebus festis, & Dominicis, in quibus id ab Ecclesia præcipitur, nec minus seruos, præsertim rusticos hoc ipsum facere iubeant, cum ex eorū manibus Deus illorū animas requirat. Viduas quoq; seuerè corrigant, vt relictæ vanitate manendi domi ad Ecclesiam conueniant, Missas audiat, in quibus pro defunctis maritis orent. Necnon & matres familias inducant, quantū in ipsis erit, vt filias virgines secum habeant, cum ad Missam audiendā accedunt, maximè si egestate non laborent, decentiq; vestitu non indigeant.

Plebes sibi commissas admoneant, vt omni re postposita, ad benedictionem solemniū Missarū Episcopi accedant, vbi mos est Indulgentias concedendi, ne desides tanto beneficio careant.

Peccatores exhortentur, quicumq; ij sint, vt Altare non deserant, sed Missæ sacrificium pro eorum ad Deū conuersione fieri vel audire frequentissimè procurēt: Necnon Sacerdotes pietate insignes, & præcipuè illorum amicos, & familiares obsecrent, vt peccatores huiusmodi, quamuis sceleribus inquinatos, quivē sacrificio se minus delectari videntur, Missarum celebratione iuuent, cum hoc ceteris humanis officijs præstantius existat, & sine vlla dubitatione, in eo Christus ipse quodammodo clamet, & interpellat pro nobis ad Patrem, multoq; plures quàm ieiunium, elemosyna,

& oratio

& oratio ad Deum, sanctissimum hoc Sacrificium peccatores conuertat.

De Sacramento Penitentię. Cap. XIII.

Multiplex Dei misericordia ita lapsibus humanis subuenit, vt non solum per Baptismi gratiam, sed etiam per Penitentię medicinam, ipse vitę reparetur æternę, vt qui dona regenerationis violassent, proprio se iudicio condemnantes, ad remissionem criminum peruenirent: sic diuinę voluntatis præsidijs ordinatis, vt indulgentiam Dei, nisi supplicationibus sacerdotum, nequeant obtinere: *Mediator enim Dei & hominum, homo Dominus Iesus Christus* hanc præpositis Ecclesię tradidit potestatem, vt. confitentibus penitentię satisfactionem darent, & eadem salubri satisfactione purgatos, ad communionem Sacramentorū per ianuam recōciliationis admitterēt.

Sed quamuis Presbyteri in sua ordinatione à peccatis absoluedi potestatem accipiant; decreuit tamen sancta Synodus Tridentina, nullum etiam regularem posse confessionem secluarium, etiam Sacerdotum audire, nec ad id idoneum reputari, nisi aut Parochiale beneficium obtineat, aut ab Episcopis per examen (si id videbitur esse necessarium) aut aliàs idoneus iudicetur, & approbationem, quę gratis concedatur, ostendat: quod in Ciuitate & Diœcesi nostris perpetuò seruari strictissimè iubemus.

Vicarius tamen, qui Monopoli pro tempore erit, licentiam hanc absente Episcopo non passim, sed approbatus tantum, ac examinatis Sacerdotibus concedat: quod

quod examen ab examinаторibus, non paucioribus
quàm tribus, fieri debeat.

Regulares ad penitentium confessiones audiendas
non admittantur, nisi suorum superiorum, scilicet mi-
nistri, vel Prouincialis litteras cōmendatitias habeāt:
quos in Domino rogamus, vt ad Ciuitatē nostram, vbi
Conuētus, & Monasteria possident opulenta, & in qua
maxima charitate ab omnibus confouentur, idoneos
eorum ordinum Fratres, ad tanti Sacramenti ministe-
rium transmittant.

Quia iure optimo distinctæ fuerunt Parochiæ, ac
vnicuiq; gregi proprij attributi Rectores, qui suarum
quisq; ouium curam habeant, vt ordo Ecclesiasticus
non confundatur; nemo Parochus alterius Parochiæ
subditos in cōfessionibus audire præsumat, nisi de pro-
prii Sacerdotis, vel Ordinarij licentia.

Regularibus Confessarijs in nostra Diœcesi cōfes-
siones audiendi licentia cōcedatur, vt obseruatū hactē-
nus fuit, ea limitatione, ne scilicet Paschali tēpore sæ-
culares penitentes audiant absq; proprii parochi scri-
pto licentia, quam ipsis, confiteri volentes, ostendant.

Parochi verò non oībus illam eo tempore cōcedāt,
scilicet Concubinarijs, & ijs, qui, vt proprii Sacerdo-
tis iudicium eludant, sibi cōfessarios breuī a Ciuitate
discessuros, ipsorūq; mores & vitam ignorantes, quæ-
runt, putantes Ecclesiæ præcepto satisfacere, & in dies
peiores fiunt; cū, etsi quolibet anno modò huic, mo-
dò illi confiteantur, nunquam tamen se emendant, &
peccatorū occasiones relinquunt. Durius autē erit cum
istis agendū, vt aliquando Deo adiuvante resipiscant.

Caueant Cōfessarij, ne verbo, aut signo, alio vè modo dum confessiones audiunt, aut extra confessiones peccatorem prodant: quoniam qui peccatū in penitentiali iudicio sibi detectū præsumpserit reuelare; nō solum deponi à Sacerdotali officio debet, verū etiam erit ad agendum perpetuam penitentiam in arctum Monasteriū detrudendus: q̄ si quis aliquo fortè casu dubius extiterit, prudentiori q̄ consilio egeat, illud absq; expressione p̄sonæ, cautè facti speciē pponendo, req̄ret.

Vt verò tam salutare Sacramentum, maiori quā poterit decetia administretur, omnemq; vel auaritię, vel simoniæ labis suspiciōē tollāmus, ne vituperari, sed laudari contingat ministerium nostrum; Caueant omnino Cōfessarij quicumq; ne, quærētes quæ sua sunt, penitētiās pecuniarias sibi met applicādas, aut à se distribuendas, etiam sub prętextu quod res sit restitutio ni obnoxia, nèque vōtorum permutationis occasione, aut Missarum celebrationis, penitētibz imponant, à quibus nihil prorsus quod lucrū tēporale, vel quid simile sapiat p̄tere, vel exigere audeant. Si quis verò, quod absit, contra præsēntis cōstitutionis dispositionē venire p̄sumpserit, pręterquā q̄ Deū habebit ultorē, ab audiēdis cōfessionibus, nisi statim huiusmodi malè p̄cepta restituerit, eo ipso suspensus existat: maximè tamen deceret, si à spontē etiam oblati abstineremus.

Quæ restitutiones erunt faciendæ tam famæ quā bonorum, ijs personis à penitētibz fieri Cōfessarij curabūt, si certæ sint, idq; fieri cōmodè poterit, quibus vel iniuria fuerit irrogata, vel dānū illatum: sin autem malè ablata vel pauperibus distribuantur, vel confi-

tentes aliquo pacto prudentis Confessarij iudicio satisfacere debebunt: sed caueant Sacerdotes ne sibi, vel eorum Ecclesijs, quod alijs restituendum foret simulatione pietatis vsurpent sub prætextu, quod ip si, ut aliquando factum affirmant, pro pœnitentibus celebrando satisfacient. Qui autem in huiusmodi casibus aliquos accepta pro se Ecclesijsque suis pecunia, vel ob quid aliud temporale, dolosè ac inita conuentione præsumpserint absoluerè, sint ipso facto excommunicati.

Non audeât Confessarij vigore quacumque bullarũ, & si eis à peccatis quatumvis enormibus, & ecclesiasticis cœsuris absoluendi facultas impartiat, super irregularitate dispensare, nisi nominatim in Bullis id fuerit expressum. Amplius pœnitentes admoneât absolutione eis, ex cœcessionibus huiusmodi indultã, nō in foro fori, sed in foro pœnitentiæ suffragari. Sciant etiam in casibus nobis quocumque modo reseruatis, sine expressa nostra licentia, ipsis absoluendi potestatem non esse, si hoc eis à summo Romano Pontifice non concedatur.

Animaduertant ij præterea, quibus absoluendi à reseruatis casibus per nos potestas facta fuerit, non eos propterea à censuris absoluendi facultatem habere.

Sed regulares meminerint si laicos à canone, seu à sententijs synodalibus, contra Viennensis Cœcilij constitutionem absoluerint, se excœmunicationis censurã Romano Pontifici reseruata incurrere ipso iure.

Eos verò, qui à censuris absoluendi potestatem habent, præmonemus, ne Clerici percussorem, nève quẽ-

quam nominatim excommunicatum, suspensum, vel interdictum, etiam in foro conscientiae tantum absoluant, nisi sibi id alicuius Iubilei auctoritate permittatur: Quinimmo neque publice peccantes criminosos; sed Episcopo remittantur; neque alienae Dioecesi subditum à peccatis Episcopo suo reseruatis.

Ut etiam querelarum, & scandalorum occasio prorsus tollatur; videant Confessarii, ne penitentis cuiuspiam audire peccata prius incipiant, quam de confessionis impedimenti interrogauerint, ne si eum à se; quem absolvere non poterunt, cognitis eiusdem criminibus, dimittant, malitiose id factum putetur: sed isto casu paternam adhibeant charitatem, ut consolatus disc edat, reuersurus suo tempore penitens ad obtinendum absolutionis beneficium ab eodem Confessario propter facultatem illi attributam, vel alias suae ipsius saluti aliquomodo prospiciat.

Casus autem in quibus excommunicationis sententia incurritur ipso iure, quorumvè absolutiones vel Summo Romano Pontifici reseruantur, vel Episcopo, item & Canones qui Penitentiales dicuntur, non ignorare Confessarium oportebit: eos verò non transcribimus, sed libellos ea de re iussu Caroli piæ memoriae Cardinalis S. Praxedis Archiepiscopi Mediolanensis nuper ad Parochorum utilitatem confectos, unusquisque legat, ut eos quoad fieri poterit, aliquo pacto memoriae commendet, atque antiquorum Canonum grauitate pensata, penitentias adhibito discretionis moderamine, ad fidelium fructum iniungendas arbitretur.

Omnes denique Confessarii diligenter conscientiam

pœnitērium introspiciant, an ipsam excusserint, & debita præparatione ad suâ peccatâ confitendum accesserint, cum difficile sit ea, quæ retineris longo tēpore, breuī recensere, & in memoriâ reducere.

Sed in modo puniendi modum adhibeant, vt scilicet, contraria contrarijs curentur. Auaris igitur elemosynas, lubricis carnis castigationē, & elatis opera præcipiant, quibus eorum superbia frangatur.

Caueant ne alienis peccatis indulgēdo, eorū ipsi participes fiant, sed oīa prudentia moderētur, memores in primis, vt satisfactio, quâ imponunt, non sit tantum ad nouæ vitæ custodiâ, & infirmitatis medicamentū, sed etiam ad præteritorum vindictam, & castigationē.

Paroichi fidēlē populū doceant recogitare omnes an nos in amaritudine animæ, hoc est, vt singillatim excutiant peccata, idq; non semel per annū, aut bis, sed frequēter, eaq; ex charitate potius, quàm gehennæ timore ex animo doleant. Criminum qualitatem, examinent, loca, tēpora, varietatem, ac personas quibuscū ea cōmiserunt; admoneanturq; necessariū esse in primis, delicta omnia, quæ perpetravimus, odisse, & detestari, ne si quorundam tantum dolore afficiamur ficta & simulata neque salutaris pœnitentia à nobis suscipiatur. Doceant quoque oportere contritionem ipsam confitendi & satisfaciendi cum certa stabiliq; vitæ emendandæ cogitatione voluntatem coniunctam habere.

Curent etiam pro data sibi à Deo prudentia plebes eorum regimini subiectas sæpius per annum instruire, qua modestia, quauē humilitate, ac decenti corporis

ris habitu, compositione uè ad salutare Pœnitentiæ sacramentum coram Dei ministro accedere, manereque debeant, vt deuotè, scilicet genibus flexis, capite aperto, vultu demisso, verecundè, ac manibus iunctis, quod erit contritionis signum, eorum Patri spirituali animę plagas ostendant, ordinè omnia peccata detegentes: quod debitam profectò animi præparationem, atque peccatorum excussionē indicabit, idq; maximè expedit, vt de omnibus à Dño misericordiā consequantur.

In Ecclesia nostra Cathedrali, ac in alijs etiam Collegiatis, & Parochialibus Ciuitatis & Diœcesis proprij Sacerdotum & aliorum Clericorum Confessarij sint, qui per Ordinarium ad id muneris exequendum quolibet anno deligantur.

Parochi frequenter Plebes suas admoneant, quòd etiam Concionatores, tempore præsertim Quadragesimę, facere curēt, vt vnusquisq; saltem per totam hebdomadā Dominicę Passionis, sua peccata confiteatur, quò salubrius, peracta pœnitentia, mysterijs, quæ S. Mater Ecclesia in hebdomada maiori celebrat, & cōmodius interesse, & in diebus vel Cęnæ, vel Resurrectionis Domini Sanctissimam Eucharistiā dignè percipere valeat. Veterem namq; consuetudinē circa longioris moræ dilationem penitus non probamus, cum experientia compertum sit, indulgentiā huiusmodi animarum salutē vt plurimum obesse magis, quàm prodesse; quòd si transacta Paschatis octaua, id aliquos nō præstitisse reperiatur, contra eosdem per interdictum ingressus Ecclesię, aliasq; iuris pœnas ad sacrorū Canonum dispositionem procedatur.

Tempus verò Paschale, quo tenentur omnes vtriufque sexus Christi fideles sua peccata confessi, communicare, dies octo complectitur ante Dominicam Resurrectionis, & totidem postea.

Proinde Parochi, eo transacto tempore, notulam ad Ordinarium transmittant, illorum scilicet, qui confessi non fuerint, & qui Eucharistię Sacramentum non susceperint.

Non confessis autem, aut non cōmunicatis testimonium neq; ore, neq; etiam scripto, quòd confessi, communicatiue sint, nullus Confessarius, sub poena suspensionis præbere audeat: Indignissimum quippe est, pietatis velamen tantæ prætexere negligentia.

Sæpius infra annum Confessarij omnes quotquot sunt in Ciuitate nostra coram Episcopo vocentur, vel eius Vicario, & examinatore, quibuscum de tantæ rei grauitate pertractetur, vt si quid reformatione aliqua indigere experientia didicerit, re maturius inter eos deliberata, necessitatibus, animarumq; saluti per Episcopum occurratur.

Confessarij neminem audiāt in Cellis, vel priuatis domibus, sed in Ecclesia, & in sedibus ad id deputatis, quæ nō in Cappellis vndiq; clausis, sed patenti collocentur loco.

Cum turba eorum qui confiteri volunt, præsertim Quadragesimæ tempore, vt moræ sunt impatientes, cōfessarium ferè opprimat, & vix est nè peccata pœnitentium à quampluribus audiantur, fieriq; non possit Dei Ministrum prægrauante multitudine, rectè suo muneri satisfacere; edicimus in Ecclesia nostra Cathedra

li, alijsq; Parochialibus Ciuitatis & Diœcesis confessionalia construi, quæ vndiq; ab imo vsque ad summū ligneis cancellis sepiantur, sed ea ratione, vt facillimè tum Sacerdos, tum pœnitens ipse etiam ab ijs, qui longè absunt, cōspiciantur, ostio in ipsius medio relicto eiusdem formæ, quod claudi possit & aperiri pro temporis opportunitate: sed habeant omnino inter vtrūque Confessarium scilicet & pœnitentem fenestellam interpositam aptè elatrata. Sed si quando Confessionalia huiusmodi aliquo in loco defuerint, in mulierū præsertim confessione, inter suam & pœnitentis faciē, Confessarij manum interponant.

In infirmorum domibus religiosum comitem, hoc est boni testimonij virum secum adhibeant, & Senem quo ad eius fieri poterit, & si mulier sua peccata confiteatur, eam aperto patentiq; cubiculo audiant.

Quoniam verò diximus nemini in casibus, quocunque modo nobis reseruatis, absoluendi potestatem esse absque speciali nostra licentia, præter eos, qui de iure Episcopo reseruantur, vt sciant omnes Confessarij, à quibus abstinere se debeant, infra scriptos etiam pronunciamus, nempe:

Fraudantes decimas Ecclesijs debitas, dariq; eisdē quomodolibet consuetas, ac etiam Gabellas vniuersitatis legitimè impositas, & fraudibus huiusmodi consentientes siue laici sint, siue Clerici.

Qui hospitali nostro S. Iacobi in Compostella, alijsuè pijs locis infantes exponunt, si habeant vnde ipsos alere possint.

Qui in maritimā Ciuitatis, & Diœcesis nostræ antequam

tequam sibi ab vniuersitate permittatur, animalia introducunt ad fructus nondum recollectos depascendos, & qui licentiam ac facultatē huiusmodi ante debitum tempus elargiuntur.

Stuprantes Virginem sub promissione Matrimonij.

Testes qui in causis quibuscunq; siue criminalibus, siue ciuilibus, siue in foro Ecclesiastico, siue seculari, vel amore, vel odio, vel pretio falsum deponunt, præsertim in causis beneficiorum, & spiritualibus.

Notarij, qui, infra mensem legata pia quæcumque à die mortis Testatoris non renuntiauerint.

Obstetrices, quæ ultra quàm eis fuerit ab Ordinario concessum, baptizandi munere funguntur.

Audita postremo pænitentis confessione, eundem Confessarius, in casibus tantum, in quibus id sibi permittitur, absoluat sub infra scripta forma:

Misereatur, &c. Indulgentiam, &c. Dominus noster Iesus Christus, te absoluat, & ego auctoritate ipsius mihi licet indignissimo concessa, absoluo te in primis à vinculo excommunicationis, in quantum possum, & indiges; Deinde: Ego te absoluo ab omnibus peccatis tuis, In nomine Patris; & Filij, & Spiritus sancti, Amen. Passio Domini nostri Iesu Christi, & merita Beate Mariæ semper Virginis, & omnium Sanctorum, & quicquid boni feceris, vel mali sustinueris, sint tibi in remissionem peccatorum, in augmentum gratiæ, & premium vitæ æternæ.

Tempore Iubilæi, & similium gratiarum.

SI teneris aliquo vinculo, vel aliquibus vinculis excommunicationis & interdicti, si est Clericus addatur suspensionis

sionis si verò laicus non, à quibus ego possum te absolue-
re, auctoritateq; mihi cōmissa, & tibi concessa à sanctissimo Do-
mino nostro Papa, Ego absoluo te, & restituo te sanctis Sacra-
mentis Ecclesie, communioni, & vnitati fidelium, In nomine
Patris, & Filij, & Spiritus sancti, Amen. Misereatur, &c.
Indulgentiam, &c. Dominus noster Iesus Christus, vt supra.

At si de excommunicatione Confessarius sit certus,
& facultatem absoluendi habeat, dicat sic: Auctoritate N. ego te absoluo à vinculo excommunicatio-
nis incurso propter talem causam. deinde subiungat sic:
& si teneris aliquo alio vinculo excommunicationis, à quo, &c.
postremò absoluat à peccatis, vt supra.


Forma dispensandi super irregularitate.

Auctoritate N. in hac parte tibi concessa, & mihi cōmissa,
dispensatorum super irregularitate, vel, irregularitatibus,
quam, vel, quas contraxisti, propter talem (vel tales) cau-
sam (vel causas) & restituo te ad actus legitimos. In nomi-
ne Patris, & Filij, & Spiritus sancti. Amen.

Absolutio in articulo mortis pro habētibus Bullas,
aut Confessionalia, aut Apostolica Priuilegia.

Postquàm Pœnitens fuerit absolutus à censuris, & à
peccatis secundum formulam hîc superius positam, de-
bet Sacerdos in fine hæc verba subiungere:

Auctoritate D. N. Iesu Christi, & Beatorum Apostolorum
Petri & Pauli tibi concessa, & mihi commissâ, concedo tibi
omnem illam indulgentiam peccatorum tuorum, quam possum
concedere virtute Bullarum tuarum, Confessionaliû, vel
aliorum priuilegiorum; si tamen hac vice morieris, aliàs pro
alia tibi vice reseruo, In nomine Patris, & Filij, & Spiritus
sancti. Amen.

 V. M. per totum praesentis vitae spatium, quae *militia est hominis super terrā*, pro subditorū salute sit inuigilandum; extremo tamen tempore, cum eorum calcaneo antiqui serpentis insidiatur astutia, id multo impensius Parochis erit procurandū: Quare suos admoneant aegrotos, vt salutaribus Pœnitentiae & Eucharistiae sacramentis susceptis, opportuno deinceps tempore, cum probabiliter mortis timeatur periculum, dumq; integros habent sensus, & vberiori cum fructu praeparare se possunt, extremae unctionis Sacramentum adhibendum sibi postulent, de cuius vi ac virtute prudentibus verbis illos etiā prae doceāt.

Si quis tamen ob vim morbi sensum amiserit, nihilominus inungi non omittatur, modò ea ostenderit signa deuotionis, ex quibus diiudicari possit, eū, si mentis adhuc esset compos, sacramentum hoc petiturum.

In eius verò collatione aduertat Parochus, vt dum ex Rituali Romano, sacra verba singulis applicata sensibus profert, quae debita sunt huius sacramenti forma, videlicet: *Per istā sanctā unctionē*, &c. eodē tempore, non ante, vel post, ipseq; nō alius sanctā adhibeat unctionē.

In sacerdotibus autem laudabilem seruet consuetudinem, vt eorum manus pro quadam speciali honestate, perungat ad extra, laicorum ad intra.

In mulieribus itē, vt eas non in renibus, sed in summitate pectoris inungat: quod in viris etiam obseruet, si renes inungi infirmitas prohibuerit.

Caueatq; ne dum oculos, nares, aures, & manus inungit alteri tantum unctionem adhibeat, ne imperfectum

Aut remaneat sacramentum.

Et si vngendus aliquo membro careat, vt manu, vel pede, &c. vngatur locus mēbro tali propinquior: Nec eadem stuppa, seu bōmbice loca singula tergantur, sed in qualibet membrorum specie mutetur.

Si infirmus sit leprosus, tunc sacerdos cum spatula munda sanctum oleum applicet pollice suo, sicq; illum perungat, faciatq; spatulam postea cū stuppa comburi.

Sciat præterea posse hoc sacramentum in eodem homine iterari, non solum vbi diuersæ accidunt infirmitates, sed in eadem etiam ægritudine; longius tamen perdurante, vel speciem immutante, ad diuersos periculorum casus, post interualla aliquanti temporis incidentes, quoties scilicet, nunc remittente, nunc ingravescente morbo, pluriēs spēs salutis emergere, pluriēsq; in mortis imminere periculum dignoscetur.

Non ignoret etiam posse hoc sacramentum ministrari senio confectis, etiam non egrotis in diem morturis: Nec non letifero vulnere, sauciatis, siue id repentino casu, siue aliena malitiā euenerit.

Denegari autem pueris, ac puellis rationis vsu carentibus. Mulieribus in partu laborantibus. Ad bellum proficiscentibus. Nauigantibus. Peregrinantibus. Capite damnatis.

Amentibus, ac furiosis, nisi his, qui dilucida haberint interualla, tuncq; pia aliqua significatione sacramenti huius suscipiendi desiderium ostenderit.

Impænitentibus tandem, & ijs qui cum notorij essent peccatores, vel ab Ecclesia præcisi, nullum emiserint penitentia signum.

Cum aduocatur Parochus ad Sacramentum hoc ministrandum, mensulam aliquā cum mappa munda propè stratum aegroti, vbi id commodè fieri potest, sterni procuret, in qua & vas ad situm bōmbice, seu stuppa ad vñctiones abstergendas, mica panis, & vas aquæ ad digitorum, & manuum lorionem præparatum cum parua ceræ candela, qua in mensa vas sacri olei à parte collocetur lecto propinquiori. A laico autem homine manu ne teneatur.

Proficiscatur id administraturus stola, ac superpelliceo indutus, quotq; commodè poterit Presbyteros, & Clericos cum superpelliceis adhibere studeat, qui eum in tam pio coadiuuent ministerio.


Vas sacri olei, quod argenteum, vel stanneum saltē sit, apteq; fabrefactum, ne sinu brachioq; comprehensum, sed sacculo serico decenter inclusum, cordula itē serica à collo pendens, reuerenter deferat, cum Cruce, lumineq; præcedente, absq; tamen tintinabuli sonitu, ne simplices sacro oleo, quemadmodum & sanctissimo Eucharistiæ Sacramento patriæ cultum, qui meritò ei debetur, cum genuflexione adhibeant: satis enim est si sanctum hoc, aliaq; sacra olea ad salutem nostram oratione & verbo Dei sanctificata, capitis apertione deuotè honorent.

Cum verò ad infirmi domū deuenerit, caeremonias seruet in Romano Rituali præscriptas. At si mors aegroti timeatur imminere, anteq; præcedentes recitētur preces, tunc simpliciter omisis reliquis, sanctam adhibeat vñctionem, debitam seruando formam, astantesq; moneat, vt pro infirmo pias apud Deum preces effundant.

Tandem

Tandem ubi Sacramentū hoc ministraverit, si æger sensuum usum non amiserit, cum breuibus, suauibus, ardentibusq; verbis illum cōsolari, ac ad æternæ vitæ desiderium, & ad spem de diuina misericordia concipiendam excitare non omittat. Opportuno deinceps tempore in commēdatione agonizantis animæ, quantum fieri potest, frequenter adfistat.

*De Sacramento ordinis.**Cap. XVI.*

 VM diuina res sit sancti Sacerdotij ministerium; cōsentaneū profectō est, quod dignius, & maiori cum veneratione exerceatur in Ecclesiæ ordinatissima dispositione diuersos ministrorū ordines, qui sacerdotio ex officio deseruiant, ita distribui, vt qui iam Clericali tonsura sunt insigniti, per minores gradatim ad maiores ascendant; cumq; ex sacrorum ordinum collatione character inuisibilis animæ imprimatur, sacra mysteria dispensentur, & ipsarum cura animarum tribuatur, in eorum susceptione excessus tantō magis cauendi sunt, quantō ex illis maiora in mentibus fidelium scandala generantur. Quæ igitur in re tam graui salubriter instituta sancitaq; hæcenus fuere, quæadmodum par est, in Ecclesia nostra seruari præcipimus, vtq; de cetero; nobis auxiliante Deo, cuncta quoad fieri poterit, ad sacrorum Canonū, sanctæq; generalis Tridentinæ Synodi dispositionem peragantur.

Omnes, qui ad sacrum ministerium accedere voluerint, ij præsertim, qui ad singulos maiores ordines erūt assumendi, per mensem, ante ordinationem, quam

statu-

statutis à iure tēporibus subditis nostris indicare consueuimus, Episcopum adeant, qui Parocho, aut alteri, cui magis expedire sibi videbitur, committet, vt nominibus, ac desiderio eorum, qui volent promoueri, publicè in Ecclesia propositis, de ipsorum ordinādorū natalibus, etate, moribus, & vita à fide dignis diligenter inquirat, idq; totum postea Episcopo renunciēt: sed feria quarta ante ipsam ordinationem, vel quando Episcopo videbitur, euocentur ordinandi, vt ipse, vel eius Vicarius, siue alij ab Episcopo deligendi vltra inquisitionem præfatam, pro suscipiendi ordinis ratione doctrinam, ac scientiam eorum diligenti quidem, sed benignè tamen, & ex sincero charitatis affectu, præcedēte inuestigatione, sciscitentur.

Quoniā difficilè est, vt bono peragantur exitu, quæ malo sunt inchoata principio, Patrū, ac aliorū exēpla sequuti, ab ordinum sacrorū susceptione prohibemus Criminosos. Solemniter pœnitētes. Neophytos. Ebrietati, & gulæ deditos. Lapsos post ordinem susceptum. Ratiocinijs obligatos, Seruos. Corpore vitiatos. Insigniter deformes. Peregrinos. Ignotos. Bigamos. Irregulares quocunque modo. Suspensos. Interdictos. Excomunicatos. Amentes. Morbo caduco laborātes. Illiteratos. Illegitimos. Maledicos, & detractores. Istriones, & turpitudinibus inseruientes. Infames. Id est, Omnes qui Christianæ legis normam abijciunt. Statuta ecclesiastica contemnunt. Fures. Sacrilegos. Sepulcrorum violatores. Homicidas. Periuros. Raptores. Maleficos. Veneficos. Adulteros.

Impu-

Impudicos, & Omnes quos sæculi leges infamia notant, Eos scilicet, Qui lenocinium fecerint. Qui iudicio publico. Calumniæ. Præuaricatione. Bonorum raptorum. Iniuriarum. Dolo malo. Fraude sub nomine pacti. Quiue, Pro socio. Tutela. Mandati. Depositi per sententiam extiterint condemnati. Aleatores publicos, & quos Ecclesiasticæ leges pronunciant infames. De criminibus accusatos antequam de causa cognoscatur. Et similes, quod longum esset recensere.

Non solū autē huiusmodi Criminibus irretitos, & qui defectus patiuntur, quos supra posuimus: sed etiā eos omnes ordinari nō posse dicimus, qui in ea nō sint ætate constituti, quæ ad ordinē vnumquēque, ex Canonum, & Concilij Tridentini dispositione requiritur. Igitur initiandi prima Clericali tonsura, Septēnio minores non admittantur. Et qui confirmationis Sacramentum non susceperint. Ac fidei rudimenta, Legere, scribereq; nesciant. Sed ij tamen quorum probabilis coniectura sit eos velle fidelem cultum Deo præstare. Ad minores ordines ante duodecimum, seu decimumquartum ætatis suæ annum, nisi aliud nobis expedire videbitur, nemo promoueatur. Ad subdiaconatum ante vigesimum secundum. Ad Diaconatum, ante vigesimum tertium. Ad presbyteratum verò, ante vigesimum quintum.

Quibus tamen casibus annum inchoatum esse sufficiet, licet non fuerit expletus; & tamen non omnes, etsi legitimæ sint ætatis, sed digni dūtaxat, & quorū probata vita senectus sit ad maiores ordines assumantur.

Non

Non autem infra annum à posteriorum ordinū susceptione, videlicet à Minoribus ad Subdiaconatum, neque à Subdiaconatu ad Diaconatum, & à Diaconatu ad Sacerdotium, nisi pro Ecclesiæ vtilitate; aut necessitate aliud expedire Episcopo videretur; sed de huiusmodi Episcopi dispensatione tum in litteris dimissorijs, tum etiā promotionis semper erit habenda mentio, ne litibus, ac iurgijs contra pauperes Clericos prebeatur occasio. Non furtiuè, hoc est, ignorante ordinatore, & absque superioris licentia. Non per saltū, vt si Subdiaconus sit, faciat se ad Presbyteratū promoueri, Diaconatus ordine prætermisso. Non extra tempora à iure statuta, nisi fortè ex sanctissimi Romani Pontificis indulto, & tunc ipsius forma omnino seruata.

Dimissoriæ verò præterquam Episcopo in remotis agente, nullo pacto à Vicario concedantur, absq; mandato speciali ipsius Episcopi.

Sed Capitulū siue eius Vicarius Episcopali sede vacante, infra annum, à die vacationis, ordinandi licentiam, aut litteras dimissorias huiusmodi nemini concedat, qui beneficij Ecclesiastici iam recepti, siue etiam recipiendi occasione arctatus non fuerit; alioqui si secus attētarēt, statutas à Concilio pœnas nō euaderent.

Nō alibi quàm in Cathedrali præsentibus Canonicis, & publicè sacrorū ordinū collationes fiant ad laudabile antiquorum canonum institutum, quod in Ecclesia nostra Domino dante in vsum reuocauimus.

Non absque præuio examine, quod etiam in regularibus seruetur. Sæpe quoque dubitare contingit, vel in Cleri visitatione, siue inter aliquos de Ecclesiastico

beneficio coram ordinario disceptantes.

An fuerit quis promotus ad aliquem ordinem,

An absque Superioris licentia,

An furtiue: an p saltu, oriunturq; variet difficultates:

Si præsumentur promotio ex temporis diuturnitate,

Quot anni sufficiant,

Quid de promouente ac ordinato sentiendum,

De generali hominum extimatione, & similibus.

Igitur omnes admonentur, cum promotiones debeant litteris probari, vt receptorum ordinum facultates, ac alia legitima documenta penes se cautè custodiant, scituri, quòd non semper amissionis litterarum excusatio ab oneribus & incommodis releuat.

Rogamus postremò, quantum cum Deo possumus, successores nostros Episcopos, viles à tanto munere ac dignitate respuant, & eos tantummodo admittant, de quibus probabilis sit coniectura, non sæcularis iudicij fugiendi fraude, sed vt gratum, atque fidelem Domino famulatum præstet hoc vitæ genus elegisse, quosq; sciētiet spes in Ecclesia nostra honore dignos ostendat.

Abusus tollatur cōseruādi capillos primæ tonsuræ.

Donationes quas parentes faciunt, siue quicunque ij sint, ad maiores ordines promouendis bonorum mobilium, vel se mouentiū de cetero non recipiantur, sed de rebus stabilibus, quæ vsu non consumuntur, nec depereunt, seu deali, quibus censibus fiant, ex quibus iuxta cuiusq; statum, & qualitatem possint promouendi comode se sustentare, quæ postea bona absque Episcopi licentia alienari nullo pacto valeant, idque omnino seruetur: donationes tamen animalium, & pecu-

dum, bouum, aliorumq; mobilium vltra stabilia, quæ promouendis, vt præfertur, assignari debent, non propterea reprobamus, dummodo in fraudem vectigaliũ legitimè impositorum non fiant; si qui autem in fraudem eas fortasse receperint, arbitrio nostro punientur.

De Sacramento Matrimonij.

Cap. XVII.



Quoniam sancta res est matrimonium, & sanctè tractandum; vt ea qua decet modestia, & honestate fiat; Parochi diligenter in ijs contrahendis omnia seruari curabunt, quæ à sacrosancto Concilio Tridentino tum circa Denunciationes in Ecclesia faciendas, tum etiam in adhibendis solemnitatibus cõstituta sunt: illudq; meminerint in primis maximè expedire, si sæpius infra annum eundem populum doceant, quæ nam sint, quæ iam contractũ matrimonium dirimant, quæuè impediant contrahendũ; omnesque, præsertim de iustitia publicæ honestatis, ac affinitatis ex fornicatione proueniente, verbis tamẽ quoad fieri poterit honestioribus, ac de alijs impedimētis admoneāt. Multi enim (vt par est credere) vel rusticorũ vel carnaliũ hominũ ad pauca respicientes de facili contrahunt, diuitias magis ac pulchritudinem, quàm rationem sectantes: illud quoq; potissimum interest, si plebibus impedimentum, quod ex cognatione spiritali proficiscitur, ad præscriptũ extrauagantis Pij sanctæ memoriæ V. declaretur, idq; non semel tantum, sed pro loci, ac temporis opportunitate quandocũq; prodesse visum fuerit; sed caueant, nè rudes aliquando decipiãtur, putãtes honestatis publicæ iustitiam

stitiam ubi valida erunt sponsalia ad affines extendi ; nam de consanguineis tantum intelligitur, ut si spondeat quis in uxorem se ducturum aliquam, ea mortua, & si non possit contrahere cum defunctæ consanguineis in primo gradu, iuxta conciliū, tamen licite contrahet cum affine eius, cum uxore videlicet fratris eiusdem sponsæ, si & ipse mortuus fuerit.

Decretum eiusdem concilij de reformatione matrimonij in eorum Parochialibus Ecclesijs, illudq; verbum materna lingua, ter saltem in anno populo legant.

Si contingat matrimonium inter aliquos, qui diuersæ Parochiæ sint, contrahi ; in vtraque denunciationes tribus continuis diebus festiuis omnino fiant, quæ non remittantur, nisi per Episcopum, & quando probabilis erit suspicio posse malitiosè matrimonium impediri : sed si cum aduenis contrahatur, tunc Parochus diligenter faciat inquisitionem, reque ad ordinarium delata, ab eo licentiam tales matrimonio coniungendi obtineat.

Si verò, ut aliquando euenit, Anglus, siue Gallus, aut Hispanus in ciuitate, & Diocesi nostra commorantes contrahere velint, quia fieri non posset, ut eorum Domi solemnitates denunciationum huiusmodi seruantur ; eo casu cum alienigenæ isti non habeantur pro vagabundis, illius Parochiæ intelligantur esse, in qua per aliquod tempus habitauerint, & secundum Canones domicilium contraxerint. Si igitur noti sint, ipsorumque mores non reprehendantur, ad matrimonia contrahenda debent admitti, præsertim si statutis à iure temporibus sua peccata confiteantur.

Si sanctum Eucharistiæ Sacramentum fuint,
 Si laudabiliter vivant,
 Si alias in ipsorum regionibus contraxisse non dicuntur: idque totum Parochorum diligentie relinquuntur, qui de omnibus Episcopum certiores faciant, vel eius Vicariū, ut si quid emerferit difficultatis, ipsi pro sua in Deum pietate atque prudentia, illud agendum constituent, quod causa deposcit.

Denunciationes elapso mense, nisi de nouo fiant, intelligantur non valere: sed antequam matrimonium inter aliquos contrahendum in Ecclesia publicetur, inquirent diligenter Parochi, an aliqua fortè subsint impedimenta, id ab eis perscrutando, qui rei gerendæ videbuntur notitiam habere: & licet matrimonia à filiis familias sine consensu parentum contracta, si Canonici aliud non obstat, valida reputentur ac firma; quia nihilominus sancta Dei Ecclesia, ex iustissimis causis illa semper detestata est, atque prohibuit, eorum prius voluntatem explorent siue parentum, siue aliorum ad quos futuri sponsi vel sponsæ tutela, vel cura dignoscatur pertinere: qui si non consenserint, paternè sponfos admoneāt, ne suis inuitis, qui rem fortasse melius perpendunt, aliquid deliberare velint; sed parentibus obediunt uti decet. si verò nihil horum inuenerint ad publicationem huiusmodi, ad matrimonij ipsius contractum per eos erit in Domino procedendum: illud sollicitè curantes, ne clandestinè fiat, quantum in eis erit, ne uè matrimonij libertas ullo pacto violetur.

Ijdem populum non ignorare curabūt, debere omnes impedimenta detegere, si quæ scient obstarè matrimonio-

trimonio contrahendo, aliàs peccato consentirent, si in casibus contraheretur à iure non permissis, esseque valde detestabile impedimenta reticere, ne matrimonium impediatur, vt aliquando fatui nonnulli excusari dicuntur, non intelligentes matrimonia contra canonum & Concilij dispositionem contracta saepe nulla esse, & cōsummata concubitus illicitos existere, fornicationes & stupra. Si verò Parochis ipsis impedimentum aliquod innotuerit, Episcopum de eo certiore reddere, vel eius Vicarium ante Matrimonij publicationem non òmittant.

Edictum inuiolabiliter seruetur nuper in Ciuitate nostra editum contra omnes, qui anteaquam legitimè seruata forma Concilij contrahant, peractis tantummodo sponsalibus, cum sponsa tamquam cum vxore cohabitant, & carnali copula sese commiscent, certis ibi propositis pœnis ad perniciosum abusum illum Deo dante penitus extirpandum. Inuigilent propterea parochi, vt si qui sunt in eorum Parochijs generis huiusmodi sceleratorum hominum, Vicario quamprimùm denuncientur, vt eos debita castigatione coerceat.

Clerici, qui continentiam profiteri debent, coniugales copulas, siue matrimoniorū contractus tãquam huiusmodi officij proxenetæ procurare non studeant.

Admoneant præterea Parochi fidelem populum, vt piè ad sacramentum istud accedant, dies, menses & annos non obseruantes: nam qui certis diebus, siue mensibus, siue annis volunt aut nolunt aliquid agere, vel inchoare, eo quòd secundum vanas impiarum quarundam vetularum fabulas fausta vel infausta existiment

tempora inutiliter, & sine causa sibi damnationē operantur: *Virtutes enim bonos dies viuēti faciūt, vitia malos.*

Sunt ergo mulieres, & præsertim virgines, ac puellæ à superstitionibus deterrendæ: multa enim, & quædam horribilia matrimoniorū iniendorum causa etiā nonnullæ dæmonum impulsu perditarumq; seminarū suasionē faciunt, vt quem affectant sponsum, eiusque condicionem, & an conciuis, vel aduena futurus sit, nō ignorent, vt nō simul, vel ante virum, sed post eius mortem ex hac vita migrent, vt amentur, & millia inanissimarum obseruationum, quæ transcribere pudet, impudenter attentant, nescientes quod obseruare auguria, & euentus ex his futurorum rimari, ceterisq; huiusmodi superstitionibus implicari, Ægypti opprobrium est idololatriæ matris. Animarum igitur curatores omni quo possunt studio ex rudium, & simpliciorū mētibus similes impietates euellere pro viribus in Domino conentur; quæ verò hac peste conuictæ fuerint elaborare, seuerè pro modo culpæ per Episcopum, vel eius Vicarium puniantur: sed illud magnoperè necessarium videtur, vt nonnumquam Parochi in eorū concionibus in superstitiones istas, ac etiam supersticiosos in genere inuehant, prout Spiritus sanctus dabit eloqui ipsis: speramus enim fore, vt homines aliquando, auxiliante Dei misericordia, resipiscant.

Quoniam multi sunt postremò, qui vagantur, & incertas habent sedes, & vt improbi sunt ingenij, prima vxore relicta aliam, & plerumq; plures illa viuente diuersis in locis ducunt; erit diligēter aduertendum per Ciuitatis, & Diœcesis nostræ Parochos, ne huiusmodi

hominum matrimonijs intersint: & quia sæpe contingit aliquos, præsertim milites, qui nubere volunt, fueruntq; cum alia matrimonio coniuncti, primam vxorem esse mortuam affirmare; vel cōtra, mulieres etiam aliquando de viris suis hoc ipsum asseuerant, idq; testibus probare coram Episcopo nituntur, perditorum hominum testimonia comparantes vel data pecunia, vel amicorū execrabili beneuolentia; attentè Vicarius perspiciat (cum certus de prioris vxoris obitu nuncius ex Canonum dispositione sit necessarius) ne istorum dolo turpiter decipiatur, videatq; propterea cuiusnā sint existimationis qui talia petunt,

Qui nam testes, Quæ deponant, An verò similia, An inter se contraria, & inuicem pugnantia. An varia, Quo vultu, Qua trepidatione, An affectatè loquantur, An sint omni exceptione maiores, Quæ fama, Qui rumor in ciuitate, vel loco sit, vbi matrimonium erit contrahendum, de morte eius, qui mortuus à volētib; contrahere contenditur, Quam scientiæ causam reddant, Si mortuum bene nouerint, Quæ signa mortis viderint in eo, Si interfuerint sepulturæ ipsius, Si audita referant, Qui testes, Quis obitus dies, De mense interrogentur, De anno,

De Ecclesia an Parochialis, an fortè Regularium, & similia, quæ pro sua conscientia Iudex animaduertere debet, ne lenocinijs ansam præbeamus: deinde, quod iustum sibi videbitur, exequatur.

Non permittant Parochi tabelliones in eorum ecclesijs capitula matrimonialia conscribere, neque aliquid

quid stipulari, sed solemnitatibus in Ecclesia peractis, à Parochis in sponsi, ac sponsæ coniunctione, & benedictione, in qua non amplius vtantur umbellis, ad ipsius Ecclesiæ valuas de his, quæ gesta fuerunt, Notarij poterunt, si velint, instrumenta conficere.

Irreuerentia illa ab Ecclesia penitus tollatur, quæ sponsi seinuicē deosculantes, & quidē aliqui sine vlla modestia, risum cōmouēt, & murmuratiōē persæpe.

De Fæstorum obseruatione.

Cap. XVIII.



Via tam veteris, quàm noui testamenti pagina septimum diem ad humanā quietē deputauit, & tam eū quàm alios Maiestati altissimæ deputatos, necnon natalitia Sanctorum Martyrū Ecclesia decreuit obseruanda, & in ipsis ab omni opere seruii cessandū; in Ciuitate & Diœcesi nostris inuiolabiliter obseruari præcipimus Festa, quæ sequunt.

91. MENSE IANVARII.

Circumcisionis Domini.
Epiphaniæ Domini.
Cathedræ S. Petri Romæ.
Conuersionis S. Pauli Apostoli.

FEBRVARII.

Purificationis Beatæ Mariæ.
Cathedræ S. Petri Antiochiæ.
Sancti Matthiæ Apostoli.

MARTII.

S. Thomæ de Aquino.
Gregorij Papæ.
Annuntiationis B. Mariæ.

APRILIS.

Marci Euangelistæ.
MAI.
Philippi, & Iacobi Apostolorum.
Inuentionis sanctæ Crucis.

IVNII.

Barnabæ Apostoli.
Natiuitatis sancti Ioannis Baptistæ.
Petri & Pauli Apostolorum, & eorū diem octauam.

IVLII.

Visitationis Beatæ Mariæ.
Iacobi Apostoli.

AUGVSTI.

Petri ad Vincula.
Dedicationis sanctæ Mariæ ad Nives.
Transfigurationis Domini.
Laurentij martyris.
Assumptionis B. Mariæ virginis.
S. Rochi, ex voto vnuerfis.
Diei octauæ Assumptionis.
Bartholomæi Apostoli.
Augustini confessoris, & Eccl. Doct.

SEPTEMBRIS.

Natiuitatis B. Mariæ Virginis.
Matthæi Apostoli.
Dedicationis S. Michaelis Archangeli
Hieronymi Conf. & Eccl. Doct.

OCTOBRIS.

Lucæ Euangelistæ.
Simonis & Iudæ Apostolorum.

NOVEMBRIS.

Festum omnium Sanctorum.
Andræ Apostoli.

DECEMBRIS.

Ambrosij Episcopi, & Confessoris

& Ecclesiæ Doctoris.

Conceptionis B. Mariæ.
Thomæ Apostoli.
Natiuitatis Domini.
Stephani protomartyris.
Ioannis Apostoli & Euangelistæ.
Omnes dies Dominicos.
Paschatis Resurrectionis Domini cū
duobus sequentibus.
Ascensionis Domini.
Pentecostes cū duobus sequentibus.
Corporis Christi, & eius diem octa-
uam, de mane tantum.

Parochi Populum admoneant, quo nam modo sint
dies Festi sanctificandi, & à quibus operibus abstinē-
dum, & quando, declarantes (rudibus præsertim) die-
rum festorum obseruationem incipere debere, ex ge-
nerali Ecclesiæ cōsuetudine, à media nocte præcedētis
diei, vsq; ad mediā noctē sequētis festi. In olearijs vè-
rò, ac frumētarijs tātūm molendinis toleratā hactenus
consuetudinē, ob populi necessitatē permittimus, vt cir-
ca eorū laborē ab occidente sole præcedentis diei, vsq;
in sequentis occasum festa seruentur: quæ etiā si inter
hebdomadam inciderint, ab huiusmodi operarijs cul-
tu debito defraudari nolumus, nec quidem ad horam,
etiam sub prætextu inchoati operis absolūendi.

Quando licentia ab Episcopo concedetur piscan-
di in casibus à iure permissis, Piscatoribus aliquibus,
tunc ijdem exhortentur, ne Missam audire omittant:
si secus facere deprehensi fuerint, per Vicarium condi-
gna poena puniantur.

Quoniam non habet legem necessitas, & sabbata fa-
cta sunt propter homines, & vendi cōceduntur in die

sesto, quæ ad illius diei vsum necessaria sunt, vt panis, vinum, oua, lacticia, olera, fructus, maxime qui de facili corrumpuntur, & quibus indigemus quotidie, carnes, quæ paratæ sunt die præcedenti, & vendi non potuerunt; sed prohibentur animalia mactari diebus ipsis festiuis, nisi fortasse aliud pietas suadeat propter infirmorum necessitatem, vel quando ob maximos calores vix est vt ad breuem etiam horam conseruentur ne putrescant; sed in istis nihilominus casibus licetia semper impetretur ab Ordinario, qui vt moris est in hac Ciuitate, non eam eidem qualibet vice concedat, sed modò vni, & modò alteri, idq; seruetur etiam in terrâ Cisterninî nostræ Diocesis, vbi Vicarius foraneus poterit huiusmodi licentiam impartiri. Laniones autem, & alij dum vendunt, Tabernæ hostium ex parte clausum habeant, iisdemq; diuinorum officiorum tempore vendere omnino prohibeatur. Piscatores diebus illis festiuis, quibus carnibus vesci nō licet, pisces vendere non interdican- tur, extra tempora diuinorum officiorum: quod etiam declaratur in vendentibus pullos, & alias aues, præsertim ad vsum infirmorum.

Quia nō sufficit abstinere à malo, nisi fiat quod bonum est, admoneant populum Parochi, vt tēpus illud, quod redimere debemus ex vana nostra cōuersatione, & ad Dei gloriā bonis operibus sanctificare, non conteramus; sed Ecclesiam quisq; fidelis adeat ad Missam, eam maxime quæ decantatur, sacrasq; conciones audiendas, ac etiam Vesperas præsertim pontificales. Ludis, Amatorijs, Rebus scurrilibus, Alijsq; vanitatibus non vacent.

Et abusus ille tollatur tum edicto publico pœnis propositis condignis, tum etiam paternis adhortationibus, quo multi, idiotæ præsertim, ac rustici, post mediam noctem vsque ad orientem solem, persæpe in die festo etiani solemniori, cithara & cantu impurissimarum rerum obstrepentes, piorum hominum, ac puel larum simplicium aures obtundunt; & dum corda Domi no præparare deberent, ipsorum animas peccatis aggrauant, idq; etiam interdiu maximo cum bonorum scandalo facere non erubescunt.

Larvæ quoque prohibeantur, dum in Ecclesijs officia peraguntur diuina: sed non omittant Parochi matribus familias consulere, ne permittant earum filias, & puellas tempus turpiter consumere in speculis & fenestris, amatores, vt aliàs admonuimus, etiam sub prætextu quod nuberè velint, periculosè, atque etiam inutiliter remorando: quod quidem, vt exemplo didicimus, nonnūquam multorum malorum in Christiano populo rudi ac humili seminarium extitit.

Torneamenta quoque, choreæ, & similia, cum maximè damnosa sint diebus festis, eo tempore, quo sacra fiunt, nullo pacto permittantur, præsertim prope Ecclesias, & loca pia, & in loco publico, *Impij enim in circuitu ambulant, vt interficiant innocentes.*

Abusus ille commodandi boues in celeberrimo die festo Sanctorum omnium aliquibus pauperibus pro animabus, vt aiunt, mortuorum eius qui boues commodat, penitus tollatur: id enim ex auaritiæ petentium fomite procedit, qui, vt aliquid superlucrentur, festiuissimam solemnitatem inhonorant, ipsorū agros

excolendo, contra quos per Vicarium tamquam cōtra Fectorū violatores ad præscriptum Extrauag. felicis recordationis Pij V. procedatur.

Prohibemus etiam onera iumentis, atque vehiculis per agrum nostræ Diœcesis festiuis ipsis diebus asportari, nisi fortasse euectiones huiusmodi cœptæ iam fuerint, sintq; longius progressuræ.

Mercatus, Nundinæue die Festo non fiant, sed in frequentem transferantur, neq; amplius iuxta Ecclesias, sed alibi opportunitiori loco pro populi commoditate.

De obseruatione Ieiunij. Cap. XIX.

QVI *abstinens est, adiçiet ad vitam.* Ieiunium itaque, quod in Ecclesia Dei tantoperè ab omnibus laudatur, nos Clero & populo nostro plurimum in Domino commendamus, admonentes illud in primis, ieiunium magnum & generale esse, abstinere ab iniquitatibus, & ab illicitis voluptatibus sæculi, & quasi Quadragesimā abstinentiæ nos celebrare, cum benè viuimus, *expectantes illam beatā spem, & reuelationē gloria magni Dei, & Saluatoris nostri IESU CHRISTI*, in qua cum fuerit de spe facta res, accepturi sumus mercedem & denarium.

Omnes igitur Christifideles, quos Ecclesię legibus obstrictos esse, se non ignorare confidimus, omnibus Quadragesimæ diebus, Dominicis exceptis, & in Quatuor anni temporibus, vigilia Natiuitatis Domini, Assumptionis Beatæ Virginis, Sanctorum omnium Apostolorum, præterquā Ioannis Euangelistæ, & Philippi & Iacobi, quæ non ieiunantur, Item diei festi omnium

Sanctorum, Natiuitatis Ioānis Baptiste, & Beati Laurentij abstineant à carnibus, ouis, caseo, alijsq; lacticijs, quæ sementinam carnis originem trahunt; hisq; diebus vnica tantum refectione sint contenti post meridiem; etsi propter naturæ imbecillitatē, ad ipsiusq; sustentationem per exiguum ientaculum de sero, non tamen loco cibi, sumere volentibus licitè concedatur. Infirmi tamen, prægnantesq; mulieres, & alij, quos vrgēs necessitas, vel imbecilla ætas, alia uè iusta causa cogit, ieiunij lege non astringuntur.

Verum quia nonnulli suæ salutis immemores diebus illis, quibus ex præcepto ieiunare tenentur, ad eorum libitum comedunt non semel tantum, sed de mane, & sero quemadmodum & in alijs temporibus, idq; palam faciunt, & absque conscientie scrupulo, vt verbis ac operibus significare videntur: Ideo curæ sit Parochis tum in eorum cōcionibus ad Populum, tum etiam pænitentium confessiones audiendo, huiusmodi hominum genus redarguere, peccati grauitatem illis aperiendo; quoties enim quis legitime non impeditus Ecclesiæ ieiunium frangit, mortalis peccati reus efficitur: & si quando aliqui excusationem afferunt non posse se vel in ediam ferre, vel quid simile effingunt; tunc eosdē admoneant, esse valde cuiq; periculosum de seipso iudicium facere; sed Medicum adeant, qui bene ipsorum excusatione necessitate uè perspecta, quid isto casu faciendum sit, ipse deliberet, ac de omnibus certiores faciat Episcopum, vel eius Vicarium, vt licentiam de peritorum consilio vel denegent, vel concedant.

Sunt præterea & ij quidem maxima reprehensione digni,

digni; qui ieiunij tempore absque rationabili causa, & non impediti, satisfacere se data pecunia credant: nam quemadmodum iure cauetur, debitor aliud pro alio soluens inuito creditore non liberatur; quomodo vel pecunia, vel ieiunium eius, qui & ipse ieiunare pro se tenetur, pro nobis etiam satisfaciet, & mortificabit membra nostra? Tales igitur doceantur onera sibi tangentia supportare, cum possint. scriptum est enim: *Ieiunauimus, & rogauimus Dominum, & euenit nobis prosperè.*

Admoneant Parochi Populum, mulieres præsertim, ut ab inanibus superstitionibus caueant: sunt enim nonnullæ, hoc experientia docente, quæ certis Sanctorum vigilijs perniciosa quadam obseruatione ieiunant, non ut Ecclesiæ præceptis obediant, non ad culpæ deletionem, eleuationemq; mentis ad æternitatis gloriam, utq; cum spiritus ac vitæ nouitate resurgât, sed (quod amarius est dolendum) ad sortes, quemadmodum, ut alia silentio prætereamus, faciunt illæ, quæ Dæmonum suggestionibus illusæ in vigilia sancti Ioannis Baptistæ nihil omnino comedunt præter placentulam vnā ex duabus salis & altera farine partibus confectam, diem totam, atque etiam noctem, absq; potu transeuntes, & credunt in somnis apparituum sponsum, qui sibi tribuat, vnde sitim restinguant, hostisq; humani generis illusionibus, ac proprijs ipsarum abstractæ concupiscentijs, & illectæ decipiuntur. Non est igitur quid admirrentur, si quod affectant, somniant aliquando, cum id ex præcedenti animi ad malum præparatione, & ex turpibus, obsecenisq; cogitationibus, quibus delectan-

tur, ex naturaq; necessitate proveniat, ob huiusmodi
ciborum ariditatem: ut quicquid in eo ille & inimicus
in Sciant Christi fideles in vigilia Nativitatis Domini
nostri IESU CHRISTI debere omnes non ludis &
commestationibus, sed pietatis operibus, divinis offi-
cijs, ac orationibus vacare, pro tanta diei solemnitate:
& cum celeberrimum istud festum Feria sexta, vel Sab-
bato advenit, carniū usus indulgetur, qui tamē a stri-
cti voto sunt, ijs diebus ieiunare, & à carnibus abstinere
debent, & voto satisfacere, idq; ipsum devotionis
causam cuique licebit. *an ad hoc d. ni s. q. d. congl.*

in Quadragesimæ totius tēpore caveant Laniones, Ta-
bernarii, Caupones, & alij quicumque carnes, vel bosq;
alios veritos venales habere, vel in eorū domibus para-
re, nisi de scripto licentia ad infirmorum usum: quæ
facultas non cuicumque vendere volenti cōcedatur,
sed aliquibus tantum pro populi necessitate: quæ, ut
hactenus servatum fuit, gratis omnino detur. Aduer-
tantq; diligēter, ne carnes, aut alia læticiā personis
huiusmodi licentiam non habentibus vendant, sub
pœna tam ementibus, quàm etiam vendentibus amif-
sionis rerum venditarum, & alias arbitrio Ordinarij
puniantur. Modusq; servetur in prædictarum rerum vē-
ditione supra in dierum Festorum tempore cōstitutus.

Dum in Ecclesia nostra Cathedrali sacra habebitur
concio, quod facilius omnes ad audiendum Dei verbū
conueniant, apothecæ omnes claudantur, lites in foro
sileant, ludi præsertim adolescentium prohibeantur:
scholarum magistri pueros suos, ac discipulos concio-
nibus interesse sollicitè curent, ne illud sibi contingat

imputari, Tempus faciendi Domine dissipauerunt legem tuā.

Domini, & si omni tempore tenentur paternam ser-
uorum suorum, ac ancillarum curam gerere, quia uni-
cuique mandauit Deus de proximo suo: sacris tamen ijs
diebus ipsorum opera uti remissius, ac humanius debe-
bunt. Meminerint igitur illis cum austeritate non im-
perare, sed eos, quoad fieri poterit, propriæ ipsorum sa-
luti, & conscientiæ consulere permittant, & quemad-
modum ceteros Missarum celebrationibus, & concio-
nibus interesse, ac orationibus suo tempore vacare

Ligna septa in Ecclesia nostra Cathedrali, ut mo-
ris est, in Quadragesimæ initio ponantur, quibus femi-
næ diuiduntur à maribus; sed admoneant concionato-
res in ipsorum concionibus mères familias omnes, ne
pueros, ac infantes ad Ecclesias secum ducant, quan-
tum fieri potest, ut eorum vocibus, ac ululatibus, con-
cionem, ac auditores omnes turbari & distrahi non cō-
tingat.

Eleemosynæ inter concionem; & dum peraguntur
diuina, non querantur; sed officio peracto ad valuas
Ecclesiæ peti non prohibentur.

Sciant cuncti in Ecclesia Dei esse prohibitas confa-
bulationes, ac vana omnia omni tempore; sed Quadra-
gesimali præsertim, & dum fideli populo verbum Dei
prædicatur,

Concio de Passione Dñi nostri IESU CHRISTI;
quæ solebat aliquoties haberi, vel Feria quinta circa
horam secundam noctis, vel interdum post mediā no-
ctem, habeatur de cetero Feria sexta in Parasceue, sum-
mo mane, vel sub aurora, ut scandalis, quæ per sæpe so-
lent

lent oriri, dū ambulamus ī tenebris, auferatur occasio.

Abusus extirpetur omnino illarum virginum, præsertim nobilium, quæ ad sacram istam concionem non ea, qua decet ornatus ac habitus modestia, sed comptè, superbeq; vltra quàm par sit, accedunt: quare ipsarum Matres à Parochis admoneantur, vt filias suas ab huiusmodi vanitatibus auertant.

Confratres Societatis sanctissimi Corporis Christi, Rosarij, Conceptionis Beatæ Virginis, & similes, qui post feriam quintam in Cœna Domini de nocte sepulcra Saluatoris nostri per omnes Ciuitatis Ecclesiās Parochiales, & alias Regularium quot annis processionallyter visitare solent, omnem sollicitudinem adhibeāt, ne mixtim cum mulieribus incedant, & luminaria deferant tum in capite processionis, tum etiam in medio, & post eos, vt aliqui ipsorum timoratae conscientia viri modò huc, modò illuc accurrentes videant, an processionis ordo seruetur, an sodales tumultuariè gradiantur, an psalmos, preces, & litanias ex eorum instituto canant: & in summa, omnia an rectè agantur; & si quid viderint animaduersione dignum, illud prohibeant, ac emendent.

Sepulcra fiant pio aliquo ornatu, atque decenti composita, vt verè dici possit, *Et erit sepulcrū eius gloriosum*, in quibus vlllo pacto larum non apponantur, imaginem suè, quæ possint risum excitare.

Noctu repræsentationes non habeantur, & in die Sabbati sancti nullus siue sēcularium, siue regularium signum dare Resurrectionis Domini ante Ecclesiam Cathedralē præsumat.

De Sacrosanctis Ecclesijs, Cœmeterijs, atque religiosis domibus. Cap. XX.



I Proconsules ac legati in aliquam celebrem Ciuitatem, vel Prouinciæ caput aduenturi, sacras gentilium ædes, & delubra circuire inspiciendi gratia, an facta tecta q; essent, vel aliqua refectione indigerent, & si quæ cœpta forêt, vt consummarentur, prout vires eius Reipublicæ permittebant, curare tenebantur; quid Episcopum hac in re, Clerûq; vniuersum, atq; fidelem Christi populum deceat, satis innotescit, Regio quoque Propheta dicente : *Dilexi decorem domus tue, & locum habitationis gloriæ tue. Templum Dei sanctum est*, in quo orat Sacerdos pro delictis & peccatis omnium; quod si sanctum, sollicitè caueamus, vt quod eget reparatione reparetur, vetustate uè collapsas, aut aliàs collabentes Ecclesias refici instaurariq; ex eorum fructibus, & prouentibus quibuscunque procuremus, ne & quæ sacris ministerijs dedicata sunt, temporum iniuria obsolescant, & ex hominum memoria excidant. Sed in Ecclesijs nostris circa Oratoriorum, Monasterij monialium, Hospitalis, ac religiosæ cuiuslibet domus, Cappellarum, Altarium, Baptisterij, Sacristiæ, Sepulcrorum, alteriusuè loci pij quocunque nomine censeantur, nouam constructionem, & reparationem, etiam de consensu nostro, vel successorum nostrorum faciendam, Ecclesiæ Mediolanensis fabricæ instructiones omnino seruentur.

Quoniam verò *Domum Dei decet sanctitudo*, in Ecclesijs nihil organo siue cantu lasciuum, aut impurum

miscéatur: item in eis sæculares omnes actiones, vana atque profana colloquia, sæculares conuentus, iudicia, deambulationes, strepitus, commestationes, clamores, puerorum scholæ, homines sclopetis armati, militarium stipendiorum solutiones, mulierum ac virorum in defunctorum officijs voces & planctus, ac adolescentes & iuuenes illi, qui præ Ecclesiæ foribus inspiciendarum feminarum causi morantur; Altaribus innitentes, & similes per hebdomadæ Præfectum, siue Cæremoniæ magistrum, vel eum, cui id muneris à præfecto demandatum fuerit, prohibeantur, nisi maior adsit dignitas, cui eo casu inferior cedere habeat.

Nemo deinceps Ecclesiam ædificet, vel Oratorium in agro sine Episcopi licentia in scriptis obtinenda, qui & locum designet, quidûe in eis ad diuinum cultum necessarium videbitur constituat, ac de omnibus ijs prouideri mandet, sine quibus Missæ sacrificium fieri non potest.

Cum sacræ Sanctorum imagines in Ecclesijs & Oratorijs erunt depingendæ, ita fiant, vt nullius falsi dogmatis errorisque periculosi rudibus occasionem præbeant, nulla denique insolita in Ecclesijs nostris ponatur imago, quæ prius approbata à nobis, vel successoribus nostris non fuerit: quod si quis contra fecerit, arbitrio Ordinarij puniatur.

Ecclesiæ omnes claudantur de mane diuinis peractis officijs vsque ad Vesperas, & statim dato signo salutationis Angelicæ in Cathedrali, de sero, eo tempore excepto, quo in ea Quadraginta horarum habetur;

oratio, vel aliàs, vbi consuevit, ex vniuersalis Ecclesiæ ritu Ecclesias omnes omnibus patere.

Laici & quicumque alij sepulturas habentes in Ecclesijs, eas aptari quamprimùm curent, vt malus odor inde prohibeatur: aliàs si infra certum tempus à nobis præscribendum, edicto moniti non paruerint, omnibus iuribus, si quæ fortasse prætendunt, eosdem priuari volumus, vt alijs possint liberè concedi.

Cœmeteria omnia, vbi fieri commodè potest, parietibus sepiantur, ad eaq; animalibus quibuscumque ingressus præcludatur, & caueant Parochi, ne quid in eis immundum fiat, præsertim à pueris.

Et si nemo ignoret, non debere in Ecclesijs sepeliri, qui ad Ecclesiam non pertinent, vt Infideles, Iudæi, Hæretici omnes, excommunicati, publicè interdicti, vsurarij manifesti in peccato mortali notoriè morientes, præsertim in duello: tamen admonentur Parochi (ne aliquando decipiantur) vt pueros non baptizatos in Ecclesijs, vel earum Cœmeterijs non sepeliant, neq; mulièrès prægnantes, nisi prius secto ventre ex eis extrahatur fœtus, si credatur eum viuere.

De Horis Canonicis. Cap. XXI.



M septies in die laudes Deo dicere, & decantare teneamur, denturq; beneficia Clericis propter officium; omnes quot quot in Ciuitate nostra sunt, ac Diœcesi, Canonici, Presbyteri, & alij sacris ordinibus insigniti, vel etiam Clerici beneficia-
tis, ad diuini officij horarumq; recitationem teneri sci-
fiant,

sciant, negligentēque ultra mortalis peccati reatum, si legitimē non fuerint impediti, ad fructuum restitutionem pro rata sunt obstricti, vt si quis ecclesiasticorum prouentuum carolēnos triginta mense quolibet percipiat, si vnius diei officij recitationem omittat, vnius carolēni restitutioni reputabitur obnoxius, & alias huiusmodi poterunt, iuxta Lateranensis statuta Concilij, ipsorum crescente contumacia, etiam beneficijs ipsis ab Ordinario legitimē priuari.

Igitur ecclesiæ nostræ Cathedralis dignitates, Canonici, Sacerdotes, Portionarij, Supernumerarijque, Diaconi, Subdiaconi, & alij Clerici ad statas horas iuxta seruitij distributionem à Capitulo factam, hebdomadibus suis ad officium nocturnum, ac etiam diurnum omnino conueniant, sub pœna exigī consueta; idemque in ecclesijs alijs Parochialibus tum Ciuitatis, tum Diœcesis seruari in Domino decernimus.

Quocumque anni tempore pro Matutino officio tam in Cathedrali, quàm in cæteris Ecclesijs Ciuitatis huius & Diœcesis ante auroram signum datur per horam, in qua se commodē præparare possint hebdomadarij; sub aurora tamen omnino ante Solis ortum inchoetur, & congruenti temporis intervallo, non celerius videlicet aut tardius, quàm par est, quando sacra præsertim habebitur concilio, vel Pontificalia fuerint exercenda, pro populi commoditate, quoad decentius fieri poterit, absoluat.

De ceteris horis recitandis, & Missis celebrandis, rubricæ Romani Missalis, & Breuiarij seruentur.

Vesperarum signum in hyeme & vere hora vigesima; in æstate & autumno hora decimanona, & post mediam horam à dato signo vespere inchoentur.

Hortamur omnes in Domino, ut quicumque Canonicis horis, alijsque diuinis officijs inter sunt, in primis Deum ipsum recogitent, cui debitores sumus; quia creauit & fecit nos, & redemit nos in sanguine suo. nam si primo loco distributiones quotidianas quærent, Deum summum bonum rebus, quæ nihili sunt, postponerent, peccarentque mortaliter, simoniacam prauitatem animo saltém committentes. Curent igitur seipsum, atque eorum mentem ita disponere, ut prius Iesum Christum quærant, & quæ eius sunt, & postea sua, omniaque adiicientur ipsis.

In choro adsistant, ea quæ decet modestia, & attentione officium recitent, siue decantent, non cursim, non oscitanter, non se inuicem præuenientes: sed in versiculis omnibus adhibita pausa, Scriptura dicente: *Quoniam Rex omnis terræ Deus psallite sapienter.*

Quicumque etiam extra Chorum Horas recitant, ab omnibus caueât, quibus aut seruitutis suæ pensum amittant, aut Dei indignationem incurrant; atque ijs vtantur calculis, quibus indulgentiæ à sanctissimo Domino nostro impartuntur, ut negligentia ijs non imputetur, sed ea occasione desides non fiant, cum Deo benedicto corda omnium pateant.

Vesperæ semper decantentur.

Horæ matutinæ vsque ad Primam exclusiue in Duplicibus & Semiduplicibus, in Solemnioribus verò festiuitatibus totum decantetur officium, scilicet

Natiuitatis Domini nostri Iesu Christi.
 Paschatis Resurrectionis.
 Ascensionis.
 Pentecostes.
 Sanctissimæ Trinitatis.
 Corporis Christi, & per octauam.
 Conceptionis Beatæ Mariæ virginis.
 Natiuitatis.
 Annunciationis.
 Visitationis.
 Purificationis.
 Et Assumptionis, & per octauam.
 Omnium Sanctorum.
 Et Dedicationis propriæ Ecclesiæ.
 Absentes à punctatoribus, vt aiunt, notentur, caueantque omnes ab omissione Horarum Canonicarum in Tabella iussu nostro edenda descriptarum, pro quibus omnino multas exigi præcipimus per eum, cui id muneris à nobis vel Vicario nostro demandatum fuerit.
 Quoniam qui de Altare viuit, Altari deseruire tenetur; admonentur omnes, Canonici præsertim, vt alacri promptoque animo ad Ecclesiam conueniant; muneriq; suo satisfaciant: Chorum nullo pacto deserant, nisi fortè ex causa infirmitatis, vel aliàs fuerint impediti, nobis seu Vicario nostro per Punctatorem certioribus factis, quare non possint diuinis officijs interesse; qui autem absque legitima causa, etiam si in ciuitate sint, Ecclesiam deserent, iuxta Concilij Tridentini, & aliorum sacrorum Canonum dispositionem, sciant se omnino fore plectendos.

Cum multa in Ecclesijs nostris piè legata ad diuinum cultum, atque Ecclesiastica munera certò obeunda sint constituta, ne qua in parte fraudentur in Ecclesijs Ciuitatis & Diœcesis nostræ statuimus, redditus illos, qui ex testatorum reliâis ratione celebrationis Missarum, & Anniuersariorum percipiuntur, necnon & eleemosynas pro Missis voriuis, & funeralibus largitas iuxta benefactorum voluntatem interessentibus tantum, ac seruientibus fore distribuendas: ex quibus videlicet anniuersarijs & funeralibus solummodo certa pars infirmis, qui dum sani erant, Ecclesiæ inseruire consueuerant, assignetur, iuxta Ecclesiæ nostræ consuetudinem. Distributiones verò eorundem legatorum & eleemosynarum sabbatis singulis fiant prò rata seruiij: per eos ad quos spectat. Nec pecuniæ huiusmodi ad alium conuertantur vsu per Procuratorem Capituli, seu alium quemcumque sub latæ sententiæ excommunicationis pœna.

Multæ siue pœnæ absentium Horarum Canonicarum ratione, prout hactenus fieri consuevit, exigantur omnino.

Vt in Ecclesia cuncta ordine peragâtur, omnes hortamur, admonemusq; paternè, Archidiaconum scilicet, Archipresbyterum, Primicerios, Canonicos, Patrochos, Presbyteros, & quot quot sunt Clerici, in Ciuitate, & Diœcesi nostrâ, vt quisque gradu suo contentus, alterius locum nō præoccupet, iniunctum sibi onus ex Canonum dispositione, tum etiam ex recepta, approbataue Ecclesiæ nostræ consuetudine libenter ferat: qui enim vocantur ad honores, elaborare non recusent,

eussent; Archipresbyterum; praesertim Episcopo absente vel impedito; eius in solemnioribus diebus: vi-
ces gerere mandamus, vt Missarum solemnias; & Ve-
sperarum pro eo vel ipse peragat, vel alteri committat,
fontesque benedicat.

De Canonico-Theologo.

Cap. XXII.

NE caelestis ille sacrorum librorum Thesaurus;
quem Spiritus sanctus summa liberalitate ho-
minibus tradidit, neglectus iaceat; Canonici
cum in Ecclesia nostra Cathedrali praebendam, ac por-
tionem theologales obtinentem per nos & Capitu-
lum nostrum nuper fundatas & erectas ad ipsius sacrae
Scripturae expositionem & interpretationem per se
ipsum diebus omnibus Dominicis vel de mane vel
etiam post vespertas pro temporis necessitate, & com-
moditate, atque in alijs solemnioribus festis per an-
num, teneri volumus, & praecipimus: Alijs vero die-
bus, ac temporibus id munus pro Cleri utilitate ad
praescriptum Episcopi explicare non omittat, idque
saltem semel in hebdomada, vt ipse etiam commo-
ditati aliquo pacto consulatur.

Illis vero diebus, quibus erit huiusmodi lectioni-
bus impeditus, vt liberius scripturarum studio vacare
possit, a Choro intelligatur exemptus: de cetero autem
si muneri suo non satisfaciat, etiam tamquam Canonici
nulla gaudeat punctationum immunitate.

Stallum ipsius in Choro & Capitulo, locusque in
processionibus, & ubique primus sit omnium Canonici-

corum post quatuor dignitates perpetuis futuris temporibus, idque intelligatur expresse sine praeiudicio modò superuiuentium.

De Canonico Penitentiario.

Cap. XXIII.



Voniam in Ecclesia nostra Cathedrali ex praescripto sacrosancti Concilij Tridentini diuina nobis annuente clementia Canonicum Penitentiarium instituiamus, apriorem quidem pro loci qualitate, quem inuenire potuimus; hac praesenti perpetua constitutione edicatur, ut quando cūque Canonatum huiusmodi vacare cōtigerit, semper Penitentiariae officio intelligatur reseruatus cū omnibus iuribus, honoribus, oneribus, & pertinentijs suis.

Penitentiario pro tempore ea intelligatur concessa facultas absoluendi, & dispensandi in irregularitatibus & suspensionibus, quae per nostras sibi patentes litteras specialiter concedetur.

Verumtamen caueat ne à casibus in Bulla Cōgrae Domini specialiter reseruatis absoluat; neque etiam ab ijs, quos Episcopus ipse voluerit interdum sibi reseruare. Illudque meminerit in primis, ne sibi delegatam absoluendi potestatem alijs subdeleget, quod ei prohibetur expresse; qui nihilominus dum confessiones in Ecclesia audiet, praesens in choro censeatur.

Episcopo solemniter celebranti, nisi aliud penitentium necessitas, vel pietas expostulauerit, adstet cum Canonicis.

Teneatur autem à die adeptae Canoniciatus possessionis,

fionis, antequam supradicto muneri se immisceat, iuramentum præstare in manibus Episcopi, vel eius Vicarij sub infrascripta forma:

Ego N. Reuerendissimi D. mei Episcopi N. in Ecclesia maiori Monopolitana Penitentiarius, ab hac hora in antea ero fidelis beato Petro, sanctæque Romanæ Ecclesiæ, & sanctissimo D. nostro, D. N. Pape, eiusque successoribus canonicè intrantibus, ac D. meo N. Monopolitano futuriſque pro tẽpore Episcopis Monopolitanis. Et pro confessionibus audiendis, vel absolutionibus, faciendis, seu alijs, quæ spectant ad meum officium, nihil omnino per me, vel per alium exigam, vel petam, aut recipiam, sub titulo, vel specie eleemosynæ, vel xenij, seu mutui, vel alio quouis modo. Et non absoluam, vel dispensabo scienter in aliquo casu mihi non commisso, neque quemquam scienter absoluam à peccato, vel peccatis aliquibus in aliquo casu ambiguo, nec etiam in huiusmodi casu ambiguo scienter, cum aliquo dispensabo, nisi de speciali mandato Superioris, cui exprimam dictum casum, sine alicuius reuelatione personæ, vel expressione. Et non iniungam penitentias pecuniarias expressè mihi, vel alicui personæ applicandas. Super restitutionibus iniungendis & faciendis seruoabo prout per dictum D. N. Episcopum est ordinatum. Et supradicta omnia & singula promitto, & iuro attendere, & observare sine omni dolo, & fraude, ac malitia. Sic me Deus adiuvet, & hac sancta Dei Evangelia. Amen.

Penitentiarij sedes ceteris sit eminentior, & in ingressu Ecclesiæ constitutur è regione Altaris maioris, ad cornu Evangelij, aded quòd scabellum penitentis sit ab altero latere. Numquam sedeat ad confessiones audiendas absque superpelliceo, & stola, & ha-

beatque virgam in manu sua in signum potestatis; & iurisdictionis, confessionesque non audiat, nisi celebraverit prius, vel Missæ sacrificio interfuerit, si commode fieri potuit, ut se, piūque opus, quod est inchoaturus, confiterique volentes Deo commendet, & quæ in ipso est incepturus, per ipsum cœpta finiantur.

De magistro Cæremoniarum. Cap. XXXIII.

VT in Ecclesia nostra nihil desit, quod ad divini cultus augmentum, splendorem, dignitatemque pertinere videatur; Magistri Cæremoniarum officium nuper de consensu nostro, certa eidem assignata portione de communibus bonis per Capitulum est erectū: & ne temporum fortasse iniuria destituatur, edicimus, ut quemadmodum Magistri ipsius Cæremoniarum electio ad Capitulum spectat; ita per idem officij vacatione occurrente de persona provideatur, quæ muneri huic sciat & valeat in Domino satisfacere, & quam merito confirmare possumus. Verū quia valde felix censendus est ille, qui officium vnum bene potest adimplete; prohibemus, ne ullō, quam tempore (neque etiam vacante sede) is eligatur, qui de numerarijs Ecclesiæ sacerdotibus existat. Et quamquam in officij huiusmodi electione Cæremoniarum Magister à Capitulo ad nutum amovibilis deputetur, ut Ecclesiæ indemnitati prospiciat: si tamen ipse prudenter, ac sollicitè in munere suo versetur, mutari saltem per triennium non possit, ne si primo, vel etiam secundo post electionem anno impensas fecerit in culturis adhibendis portioni suæ, nihilque inde perce-

pereperit, quoniam sæpè mentitur opus oliuæ, ex labore suo damnum etiam patiatur. Et si fortè negligens in officio suo fuerit, & culpa sua amoueri contingerit, fructus suos non faciat, nisi pro rata temporis in quo seruiuerit.

Ecclesiæ assistat singulis Dominicis, necnon alijs, de præcepto festiuis, solemnibusque diebus, & horum vigilijs, & præcipuè in illis quibus Episcopus Pontificalia exercet.

Sed quoniam munus suum est Clericos rudès ad cærimonias peragendas instruere; cupimus, vt non solum diebus supra dictis in Ecclesia sit, sed quàm frequentius potuerit.

Sed qui non erit seruitio Cathedralis ascriptus, de ipsiusque gremio, gaudeat nihilominus, qui huiusmodi munere fungitur, priuilegio communellæ, distributionum quotidianarum, & aliarum eleemosynarum, si iuxta Ecclesiæ constitutiones inseruiuerit.

Præueniat tempus celebrandi officium ipse Cæremoniarius Magister, vt omnia possit rectè cõstituerè, de mandareuè quæ necessaria videbuntur, ne fortè in exequendo eo actiones interturbentur, & confundantur.

Pontificali Romano det operam, & Cæremoniariu libro, qui nuper est impressus, vt ex ijs & approbata Ecclesiæ nostræ consuetudine, omnia iubeat, & moderetur.


Cartulam affigi curet in Sacristia, in qua, quid quoque die per hebdomadam agendum sit, demonstretur.

Defectuum rabellam, quæ iussu nostro propediem erit edenda, omnino obseruari curet.

- Si cœremoniæ Magister in Ecclesiâ portionem perpetuam, quæ Sacerdotibus numerarij s conceditur, consequi voluerit, ea obtenta vacet officium, habita ratione laborum, impensarumque per ipsum in altera portione factarum.

- Párochi & Archipresbýteri in nostra Diœcesi current in suis Ecclesijs cœremoniæ Magistrum eligi prò tempore, quem eis expedire magis videbitur: nostræque Cathedralis constitutiones, quoad fieri poterit, obseruent.

- *De officio Sacristæ. Cap. XXV.*

acrista custodiam vasorum sacrorum, & vestimentorum, totiusque thesauri ecclesiastici habeat ex inuentario ab Archidiacono conficiendo iuxta Ecclesiæ nostræ consuetudinem.

Quæ ad luminaria pertinent siue in cera, siue in oleo cuset.

- Palia, vel Altarium linteamina, Ecclesiæque utensilia vniuersa indefinenter custodiat.

- Oleum, quod ab Altarij patronis est sibi iure subministrandum, statutis temporibus petat.

- Paramenta lacera consumi penitus non sinat; sed ea suo tempore sollicitè refarciat, vel refarcienda Capituli œconomus denunciet.

- Linteamina munda conseruet.

- Missarum solemnij peractis, altaria tegat, ad præscriptum visitationis Apostolicæ.

Ecclesiæ pauimentum verri, purgarique parietes faciat,

faciat, præsertim secus Altaria.

Tintinabulorum signa per singulas horas Canonicas ad Præfati hebdomadæ significationem det, nisi maior adsit dignitas, cui parere teneatur.

Pueros & puellas acclamantes, canes, & cetera diuinum officium interturbantia ab Ecclesia reijci curret per Clericum Ostiarium, ex hebdomadæ præfecto, vel à maiori dignitate per singulas hebdomadas gradatim deputandum. Idemque omnino seruetur, ac exequi mandetur in eorum ecclesijs, per Parochia-
lium Rectores.

Ecclesiam dato vespertino salutationis Angelicæ signo omnino claudat: summo mane, ad Cleri & populi utilitatem fores eiusdem pandat.

Aduertat autem, vt in cubiculo super sacristiam præsertim de nocte cum socio commoretur.

In magnis festiuitatibus maiori cultu Altaria, & totam ecclesiam exornet.

Prohibeat pueros & puellas, ne vllò vmquam tempore aquam hauriant ex puteo, qui est sub sacristia.

Sanctorum reliquias, quæ decet reuerentia, custodiât, & neque eas passim, neque omnibus ostendat, sed ijs, qui deuotionis gratia illas inspicere velint, & tunc luminibus accensis, genuflexi illas venerentur.

Sacrista, si in officio suo negligens erit, & ab Archidiacono siue altera ex Dignitatibus, aut Canonicis admonitus fuerit, & nihilominus in contumacia persistat, episcopo denuntietur, qui eo ab officio remoto aliunt aptum ad Capituli præsentationem constituat.

De Custode Beate Mariae de Madia. Cap. XXVI.

Experientia didicimus, pijs fidelium oblationibus Cathedralis Ecclesiae nostrae redditus, atque bona ex vniuersi populi pietate erga beatissimam Virginem de Madia Ciuitatis patronam, & Diocesis, in dies augeri. & quoniam, ut vsu quoque compertum fuit, non omnia hactenus, uti par erat, recte gesta, & custodita fuere; operae pretium fore duximus, custodem Sacelli, rerumque ipsius constituere, qui eorum omnium, quae ad eiusdem Sacelli usum tantummodo parantur adhuc, & offeruntur quotidie, sollicitam curam gerat.

Præcipimus igitur singulo quoque triennio per Capitulum nostrum, ex ipsorum numero Sacerdotem eligi de dilapidatione non suspectum, & probatae vitae, qui vel Canonicus sit, vel Portionarius, aliasue ex supra numerarijs existat, quod certè magis optaremus, ut commodius custodire vacare valeat, qui onus huiusmodi nullo pacto recusare possit, & confirmetur ab Ordinario, in cuius manibus iuramento se obstringat Sacelli res diligenter, ac fideliter curaturum.

Qui omnia custodiat, aurea & argentea vasa, vota, cruces, & similia, necnon vestes, & linteamina, & cuiusvis generis paramenta, ad praefatum solummodo usum applicata: exceptis eleemosynis, quae pro Missarum celebratione dantur, quarum curam ad Praefatum communellae spectare volumus, de quibus omnibus conficiatur Inuentarium iuxta Ecclesiae nostrae consuetudinem.

Bona ipsius Cappellæ alteri non commodet, sine licentia Ordinarij, vel Capituli.

Maximam curam adhibeat, vt Sacellum præfatum lampadibus accensis noctu diuq; perluceat, & præcipue in solemnitatibus Beatissimæ Virginis.

Quod in die festo Assumptionis, & per eius octauam, cum sit Ecclesiæ titulus, quàm fieri poterit magnificentius exornet, Beatissimæ Virginis effigiem perpetuo sericis, vel alio integmento obduci curet, præterquam in summis festiuitatibus, quibus de licentia Ordinarij aperiatur, idque fiat non minus tribus lampadibus accensis, & duarum candelarum siue facum lumine.

Clericum habeat, qui sibi in eodem possit in seruire, cui aliqua merces ab Ordinario, & Capitulo constituat.

Si negligens, vel in dolo custos reperiri contigerit, quamprimum ab huiusmodi custodia remoueat, & alias eum pro modo culpæ ad debitam satisfactionem compelli mandamus.

De Parochis. Cap. XXVII.

Ponit Deus custodes super Ciuitates suas, vt non cessent clamare tota die ac nocte. Attendant igitur Parochi oēs Ciuitatis & Diocesis nostræ sibi & vniuerso gregi, in quo posuit eos Spiritus sanctus, tamquam nostri coadiutores, regere Ecclesiam Dei, quam acquisiuit sanguine suo, in omnibus laborent, & ministerium suum impleant, scientes, quòd de eorum manibus animas populi requirit Dominus.

Vnusquisque diligenter agrum suum exerceat, & oues proprias agnoscat, quibus praesto sit. In memoriam reuocet, & diligenter obseruet quae sparsim in hac synodo de ipsis edita sunt.

Et cum praedicare sit officium Parochi, ut sciat necesse est quando, quidue ipse, & quomodo id agere & praestare debeat.

Omnibus igitur Dominicis diebus, & solemnibus festis, tempore Ieiuniorum, & Quadragesimae, & Auentus quotidie, si fieri potest, vel ter in hebdomada, aliasue, quoties id opportunum iudicauerit: pascat plebes salutaribus verbis pro sua & ipsarum capacitate, & cum breuitate & facilitate sermonis, docendo quae necessaria sunt ad salutem, & praecipue annuntiando vitia, quae declinare, & virtutes, quas sectari oporteat, ut poenam aeternam euadere, & gloriam caelestem consequi valeant.

Patres exhortetur, ut filios suos ad fidem discendam mittant ad Ecclesiam, quos ipse cum omni castitate erudiat.

Omnes edoceat, fidelium actiones a Deo incipere, & in Deo desinere debere. Ideo ante & post corporis refectionem & dormitionem, teneri nos ex modulo nostrae capacitatis Domino benedicere, & Deo gratias agere.

Admoneat eosdem, ut librum habeant, quem memoriale vocant Ludouici Granatini viri pii, sed Parochi ipsi libros habeant huiusmodi ad Plebem instruendam, videlicet de animarum cura pertractantes, deue casibus conscientiae, & in primis,

Concilium Tridentinum.

Catechismus Romanum.

Catechesim Neapolitanam.

Rituale Romanum.

Constitutiones nostras Synodales.

Martyrologium, & alios huiusmodi, præsertim qui videbuntur aptiores promunere concionandi.

Et libros ipsi conficiant, scilicet,

Baptizatorum.

Confirmatorum.

Coniugatorum.

Familiarum suæ Parochiæ.

Confitentium, & Communicantium.

Bonorum stabilium, & reddituum vniuersorum Ecclesiarum suarum.

Morientium, in quibus obitus dies, ac sepultura, ordine describatur; & eorum quæ continentur in his libris nemini exemplum accommodent sine licentia Ordinarij.

Pro administratione Sacramentorum pijs consuetudines obseruari volumus, & prauas exactiones fieri prohibemus, & præcipue in sacramentis Pænitentia, & Matrimonij.

Animaduertant Parochi dare signum pro ijs, qui in extremo laborant, vt fidelis populus, eo audito pro illis oret.

Curam habeant de suis, qui extra Ciuitatem commorantur, vt in casu necessitatis omnia Ecclesiæ sacramenta percipiant.

Curent, vt habeant ædes Ecclesiæ suæ coniunctas,

vel saltem in Parochia.

Non discedant à sua Parochia sine Ordinarij licentia: & quando abesse contigerit, proximæ Parochiæ Rector munus absentis adimpleat, si necesse fuerit.

Cum nonnulla Sacramenta in administrando plurimorū indigeant auxilio, debeantq; Clerici, & Presbyteri, præsertim Portionarij animarum curam coadiuvare: Ideo liceat Parocho, quando necessitas id exposulauerit, aduocare primo loco suæ Parochialis tunc temporis Hebdomadarios: qui si fortasse defecerint, vel pro decenti Sacramentorum administratione sufficere non videantur, possit eo casu conuocare etiam non Hebdomadarios. Teneantur vero omnes ad signum campanæ ad id respectiue dandum ad Ecclesiam conuenire. Contumaces vero pro qualibet vice carolenni vnius poena, Ecclesiæ eidem applicanda, mulctentur, vel gratius puniantur Ordinarij arbitrio.

Cathedralis Ecclesiæ Vicarius in animarum cura, quem nuper eidem per nos certa atq; perpetua assignata portione pro Sacramentorum administratione, animarumq; cura exercenda, constituimus; post omnes Canonicos primum locum habeat in Choro, Capitulo, Processionibus, & alijs quibuscumque actibus, prout ab initio sui officij, etiam per Capitulum nostræ Cathedralis admixtus hactenus fuit. in possessione.

Sed inter Parochos seruetur prærogatiua Ecclesiarum Parochialium, scilicet, vt primus ordine sit Parochus Ecclesiæ sancti Leonis modo Parochiali sancti Saluatoris vnita, secundus existat Parochus eiusdem sancti Saluatoris, tertius, sancti Petri, quartus sanctæ

Mariae

Mariæ Amalfitanæ; quintus sancti Angeli, & post omnes præfatus Vicarius Ecclesiæ Cathedralis. Idem vero in distributione eleemosynarum partem habeat ut Canonicus, prout ad instar ceterorum huius Ciuitatis Parochorum habuit hucusque.

A Choro sit exēptus, & ab oneribus, videlicet Missarum celebratione per turnum, & Hebdomadarum pro anniuersarijs: sed eleemosynarum quæ inter eos, qui interfunt anniuersarijs, Missis votiujs, & mortuarijs distribuuntur, particeps fiat dum præsens in Choro fuerit, vel absens pro animarum cura.

Qui habitant in Cryptis, vel in Casale, quod vocant sancti Cathaldi, eos ad curam ipsius Vicarij maioris Ecclesiæ pertinere dicimus, qui eis in casu necessitatis prouidere debeat de Sacramentis è proximiore Ecclesia.

Cingaros, & pauperes vagos, & incertas habentes sedes curet Sacramenta suo tempore suscipere, & catholicam ducere vitam, & præcipuè qui in Hospitali nostro diuersantur, quos diligenter inspicere debebit, & in dubijs rem deferre ad œconomos dicti Hospitalis, & Ordinarium.

Hebdomadæ Præfectus, seu Superior ibidem existens eundem maioris Ecclesiæ Vicarium associari curet ab Hebdomadarijs in administratione Sacramentorum, ut omni qua debet reuerentia ministrentur, præsertim extra Ecclesiam.

De nocte in casu necessitatis Sacristam volumus, ac socios eum omnino comitari.

Clericis de more Ecclesiæ nostræ vigilias celebrantibus

tibus idem assistat, & præsit, vt inobedientes corrigat, & absentes notet, quò suo tempore debita multa puniantur.

De Parochialibus Ecclesijs. Cap. XXVIII.




VM Rectores, & eorum Presbyteri in suis respectiuè Parochialibus ab antiquo tempore pro rebus earum cõmunibus tractandis congregari soleant, absque tamen vllò præiudicio Præcedentiæ, quam super eas habet nostrę Cathedralis Capitulum, in cuius generalibus congregationibus procleri totius occurrentijs interuenire, & vocem habere ijdem dignoscuntur; præcipimus, vt de mandato Rectorũ, non tamen sine licetia nostra, vel generalis Vicarij ad suas particulares congregationes conueniant.

Et cum Sacerdotum numerus, qui tantummodo vocem habent in eis, sit paruus: ideò omnes, vel maior pars illorum in Capitulo conueniant, & duarum partium sententia præualeat.

Conclusiones coram omnibus extendantur à Rectore, & ab Ordinario subscribantur.

Omnia denique in huiusmodi Capitulis, & Congregationibus seruentur, quæ in Ecclesia maiori, visitationeq; Apostolica sancita sunt; alias Conclusiones nullam vim habeant.

Sigillum habeat vnusquisque Parochus signo expressum Ecclesiæ Patroni, & Archiua in quibus recondantur tabulæ ipsius cum duabus clauibus, quarum vnã ipse Parochus, alteram antiquior Sacerdos penes se custodiat.

 Voniam multa pro Ecclesiarum immunitate Ecclesiasticarumq; personarum priuilegijs cum ex Canonum, tum etiam Conciliorum, summorumque Pontificum definitionibus scripta, sancta que hactenus fuerunt; nihil est, quod in præsentiarum de ipsius Ecclesiasticæ libertatis obseruatione in hac Diocesana nostra Synodo dicere possimus, præterquam, quod Parochis omnino præcipimus, vt in singulis eorum Parochialibus, quemadmodum in nostra Cathedrali Processum, siue Bullam in die Cænæ Domini legi solitam semel in anno, aut frequentius, si ita expedire videbitur, in maiori populi frequentia dum diuina peraguntur, vulgari eloquio solemni ter publicent atque declarent, necnon alias per nos editas Constitutiones, præsertim in violatores Ecclesiæ libertatis, & pedagia, vt Clerici carius emant, imponentes, vel exigentes per se, vel per alios siue directè, siue indirectè, quos omnes anathematis mûcrone damnatos cunctis ipsi patefaciant.

Multa nobis occurrebant de Monasterio, & Monialibus dicenda, de Hospitali, & de Domo sancta; sed quoniam de his omnibus in Apostolica visitatione publicanda diligentissimè pro loci, temporis, & personarum qualitate pertractatur; ea (quemadmodum & cetera eiusdem visitationis decreta) ab vniuerso Clero nostro, & alijs quibuscumque, quos huiusmodi tangit negotium, prout iuris fuerit, obseruari mandamus.

De vita & honestate Clericorum. Cap. XXX.



RE M. non nouam aggredimur, sed Patribus & sacris Canonibus placitam, & Diocesi nostræ necessariam recolimus, mores scilicet & actus Clericorum, vt ex alto nobis permittitur reformare, & ibi præcipuè reformationis remedia apponere, vbi maius periculum imminere, & peccari frequentius vsu comperimus.

Et quoniam multi sunt Sacerdotes, & pauci Sacerdotes; multi in nomine, & pauci in opere; videndum est in primis, quomodo locum in Ecclesia Dei teneamus. Malè enim in Ecclesia locum tenent ij, qui eius curam negligunt, & temporalibus rebus tantum intendunt: quod ex eo maxime prouenire didicimus, cum omnia ad suam vtilitatem referant, vt meritò dicatur ignominiam esse Sacerdotum proprijs studere diuitijs, & præsertim in Parochis perniciosum, quorum custodiæ animarum salus innititur. Neque laudem in hoc mundo aut in futuro gloriam sibi comparare credant ex labore, & diligentia, quam in excolendis vineis, & oliuétis ponunt, cum interea sacræ ædes collabantur, & in sordibus iaceant, & seruitium non absoluator, ad quarum reparationem, munditiam, & seruitutis officium illa bona fuerunt relicta. Huic malo nos occurrere volètes, fauente Deo quâprimùm Apostolicæ visitationis decreta publicari, vbi Ecclesiæ seruitium seruiendiq; modus definietur, necnon defectuum tabellam edi curabimus. Hæc interim, pauca quidem, sed vtilia statuimus, obseruariq; mandamus.

Profes-

Professionem suā Clerici omnes, ac Sacerdotes præcipuè & habitu probent, & incessu: Dei enim ministros ornatos esse decet, ut grauitate itineris, mentis maturitatem ostendant; incompositio quippe corporis, inæqualitatem indicat mentis: dissolutos & fractos vestibibus & incessu non recipimus. Habitu ergo proprio eorum statui designato, cōgruentique tum in Ecclesijs, tum alibi, temporis ac loci qualitate pensata, semper vtantur.

Loquantur quæ decent sanam doctrinam, sintq; silentio discreti, vtilis, & in verbo cauti; ne aut tacenda proferant, aut proferenda reticeant: nam sicut incauta locutio in errorem pertrahit; ita indiscretum silentium, eos qui erudiri poterant, in errore derelinquit.

Et quoniam sunt nonnulli, quorum os maledictione plenum est; videant isti, ne si inuicem se mordēt, inuicem consumātur, illudq; meminerint susurronibus odium adesse, inimicitiam, & contumeliam; suntq; detractores Deo odibiles, & abominationes hominum. Estq; proprium stultitiæ, aliena vitia cernere, & obliuisci sua. Maledicos huiusmodi Episcopus, vel eius Vicarius suo arbitrio condigna pœna seuerè coerceant.

Caueant Parochi ne amittere humanam gratiā formidantes, recta liberè loqui pertimescant: nam iuxta Veritatis vocē, nequaquam gregis custodię Pastorum studio, sed mercenariorum vice deseruiūt, qui veniente lupo fugiunt, dū se sub silētio abscondunt. Clament igitur, & ne cessent, & quasi tubæ exaltent vocem suā, & annuntient populo scelera eorum, ut si qui sunt adulteri, fornicarij, sacrilegi, concubinarij, bonorum

Ecclesiæ detentores, occupatoresuè, blasphemî, ac similibus irretiti criminibus, aliquando vel resipiscant, aut si moriuntur in peccato suo, & insonuerint ipsi buccina, eorum sanguis, de ipsorum manibus à supremo Iudice non requiratur; illud certò scientes, quòd nō potest esse Pastoris excusatio, si lupo comedit oues; & Pastor nescit.

Clericorum Hospitia aut raro, aut numquam mulierum pedes terant, quia non potest toto corde cum Deo ambulare, qui feminarum accessibus copulatur; ipsæ namque conscientiam secum pariter habitantium exurunt. Præcipimus ergo, ne sacerdos ullus, aut Clericus cuiuscūque conditionis, & ordinis existat, feminas, de quibus suspicio potest esse, retineat; sed neque illas, quas Canones cōcedunt: quod, prouidè inhærentes dispositioni capituli primi de cohabitatione Clericorū & mulierum, statuimus in Domino.

Res Ecclesiasticas, quæcumque sint, conuenit cum omni diligentia, & bona fide, quæ Deo debetur, gubernari, atque dispensari, & quæratur inter nos, ut fidelis quis inueniatur. Clerici enim Ecclesiæ rebus tamquam commendatis, non tamquam proprijs vtantur, quas alienare, nisi in casibus à iure permissis, est nefas: valde enim iniquum, & ingens sacrilegium reputatur, ut quæ pro remedio peccatorum vel pro salute, & remedio animarum suarum quisque venerabili Ecclesiæ contulerit, aut certè reliquerit, ab ijs, quibus maximè seruari par esset, Christianis scilicet, & Deum timentibus hominibus, in alium transferri vsus, atq; conuerti permittatur.

Et quia manifesta debent esse quæ ad Ecclesiam pertinent, ut si Rectori contigerit inopinatus transitus, nullo modo minui possint res Ecclesiæ, vel deperire; studeant Archidiaconus propterea, Archipresbyter, Primicerij, Canonici, Presbyteri omnes, & Clerici, & quot quot sunt in Ciuitate & Diœcesi Monopolitana beneficiati, quocumque nomine censeantur, quæ sua sunt agnoscere, & quæ in Ecclesiarum fraudem inutiliter sunt alienata, vindicare; ne, quæ tueri omnino promiserunt, in suarum perniciem animarum negligere videantur.

Quando per Kal. vel in Ciuitate, vel foris, demum quacumque vacatione post peractum diuinum ministerium simul ad refectionem conueniunt, ante ipsorum aliquis prior Versum incipiat, & cibum benedicat, & tunc ordine recumbant; alter alteri honorem præbentes, in ipsoque sacerdotali conuiuio pro Dei reuerentia (quia solent crebro mensis otiosæ fabulæ interponi) lectio sacrarum scripturarum immisceatur: per hoc enim & animæ ædificantur ad bonum, & fabulæ non necessariae prohibentur; postque refectionem Deo similiter gratiarum actiones habeantur, sicque huiusmodi ex charitate facta conuiuia non improbamus, si in eis nulla absentium vita mordetur, nullusque ex irrisione reprehenditur. A crapula verò & ebrietate omnes diligenter abstineant, unde vinum sibi temperent, & se vino; nec ad bibendum quispiam incitetur, cum ebrietas & mentis inducat exilium, & libidinis prouocet incentiuum: unde illum abusum, quo ad potus æquales suo modo se obligant potatores, & iudicio talium

plus laudatur, qui plures inebriat, & calices fecundiores exaurit, per antiquos Canones aboletum etiam sub prætextu, & nomine charitatis prohibitum intelligi declaramus, sub pœna vnius ducati arbitrio nostro ad pios vsus eroganda.

Comœdijs & scurrilibus non intersint, neque ubi amatoria decantantur.

Cellis vinarijs ad Tabernariorum, atq; cauponum instar vino vendendo non præfint.

In laicorum famulatu non sint, & fideiussionibus non inferuiant. Ad opus rurale non exeant, neque ad collectionem oliuarum cum mulieribus, & alijs mercenarijs scopas & cribros præmanibus habentes, neque iumenta ducant onerata, mulieribusque socios se non adhibeant, & cum illis præsertim, quæ suspicionem efficere possint: in cryptis non cohabitent, sub pœna Ordinario benè visa.

Alio colore in vestibus non vtantur, quàm nigro, quæ talares erunt.

Caligæ non nimis turgidæ, & non alterius coloris, quàm nigri, vel albi Clericis & Sacerdotibus permittuntur.

Pileos præsertim turbatos, & ocreas, & chirothecas in Ecclesijs, maxime tēpore diuinorū, nō habeant, neque reticula, vel subbireta, nisi valetudinis causa.

Sæcularia iudicia omnino fugiant, pro alijs non postulent, si Ecclesiasticis beneficijs sustentantur, neque apud sæcularem iudicem aduocati fiant, nisi Ecclesiæ fortē, suam, vel suorum, & miserabilium personarum, quæ se defendere nequeant, causam prosequantur.

Arma non deferant vllō pacto, neque etiam in itinere, nisi impetrata scripto licentia, & aliās excommunicentur, vel eos Ordinarius arbitrio suo puniat.

Et quia de his, qui in Clero connumerantur, quidā propter turpis lucri gratiam aliorum possessionū conductiones, & causas seculariū negociōrum suscipiūt, & à sacris officijs se per desidiam separant, ad domos aut laicorum concurrunt, & substantiarum eorum gubernationes auaritiæ causa recipiunt; & quod amarior est dolendum, nonnulli quasi in dedecore gloriantes, alicuius præpotentis, vel nobilis appellari se famulos, vel alio nomine creatos, non ægrè patiuntur. Curæ igitur sit Episcopo, siue eius Vicariò, talia omnino prohibere, & in huiusmodi vilium personarum genus seuerè & acriter animaduertat.

Quoniam omnibus seruis Dei venationes, & siluaticæ fatigationes cum canibus, & accipitres interduntur, contrauenientes Clericos, vel Sacerdotes, & alijs sacris Ecclesiasticis Ordinibus initiatos, venatores, Ordinarius, ex antiquorum Canonum dispositione, debita pœna cospiciat, eosdemque domi suæ, vel alibi canes habere non permittat.

Deridendam illam consuetudinem in nostro Clero procul arcere volentes, quam alicubi sumunt à laicis quibusdam Clerici Presbyterique, nonnulli vt barbari circumquaque rãdant, eam tantummodo & prolixiorē, quoad fieri potest, in superiore latronum, relictis quoque pilis aliquibus, sed paucis ad instar cuspidis sub ore in inferiori parte more Turcarum horribili quodam modo præcipimus, strictissimeque mandamus

damus omnes in Clero, quicumque ij sint, ab huiusmo-
di vanitatibus abstinere: barbam enim vel totam ra-
dant, vel æqualiter rondeant: qui cōtrafecerint, vnius
aurei poena pro qualibet vice mulctentur, vel carce-
ris, arbitrio Episcopi. Aleis & taxillis, & eius generis ludo non vacent.
Mulierum consortia, suspectarum præsertim, omnino
vitent. Pacem cum omnibus habeant quantum in ipsis erit.
Amici commissa non reuelent. Litēs, ac iurgia non suscitent.
Rixas, æmulationes, atque contentiones detestentur.
Præpositis obediant. Proximum in negotio non circumueniant.
Creditoribus satisfaciant. Eidem non fallant.
Pacta seruent. Quod iure iurando promiserunt, adimplere studeant;
ne periurium incurrant, ac propterea pœnas contra
periuros iure infligat subeant. Sceleratos, & facinorosos neque domi, neque alibi re-
cipiant.
Amendacijs caueant. *Os. n. quod mentitur, occidit animā.*
In iudicium euocati præstō sint poscenti se rationem
Gauillationēs effugiant. Inanibus, ac superfluis impensis alios eorum causa
prægrauari non sinant. Videant quomodo caute ambulent, vt non vitupe-
retur ministerium nostrum: attendentes, quod malo-
rum conuersatio bonos etiam corrumpit; quanto ergo
magis

magis eos, qui ad vitia proni sunt?

Non sint cum laicis frequentes; ex eis namque dignitatis nostræ contemptus sæpè profici scitur.

Prudentia opus est; quia non debet Sacerdotum stultitia sub nomine simplicitatis excusari.

Parochi insuper ex sua infirmitate aliorum infirmitates pēsantes, magis per humilitatis & māsuetudinis leuamentū, studeant peccatores ab erroris laqueo eruerē, quā per austeritatē in foueam perditionis nutantes propellere. hinc enim, vt ipsi sciūt, querelæ permultæ, hinc Plebiū calumniæ: & qualis erit cura, si iurgijs omnia plena? Patientia nobis necessaria est, vt per eam curramus ad propositum nobis certamen. dignè igitur ambulemus vocatione, qua vocati sumus, sciētes, quod in patientiā nostrā possidebimus animas nostras.

Et quoniam litteris carens; sacris officijs aptus esse non potest; attendant Clerici, alijq; Sacerdotes lectioni sacræ Scripturæ, & exhortationi, & doctrinæ, quæ conuertens animas; lucerna est pedibus nostris. Linguam saltem latinam non ignorent, vt pro munere suo quisq; satisfaciāt, ne sibi fortasse dici contingat à Præposito suo: Scientiam repulisti, & ego repellam te; ne ad ordinēs admittaris, ne uē plebium mearū custodiās; regiminiq; præficiaris. Verum tamē est cauendum; ne Dei omittis. Euangelij, ac prophetis, comœdias, amatoriaq; legamus; & id quod in pueris adest causa necessitatis, fiat in nobis crimen voluptatis.

Ceterū omnes hortamur, vt quisque propositum suum in Domino custodiat, & vsque ad finem vitæ perseueret; ac, si operam nostram Mater Ecclesiā deside-

rauerit, nec elatione auida suscipiamus, nec blandiente desidia respuamus: sed miri corde obtemperemus Deo, cum mansuetudine portantes eum, qui nos gerit, qui dirigit mites in iudicio, qui docet mansuetos vias suas, nec otium nostrum necessitatibus Ecclesiae preponamus, cui parturienti si nulli boni ministrare velent, quomodo nasceremur, non inueniremus.

De Præbendis & Dignitatibus. Cap. XXXI.

VM secundum Apostolum, Qui altari seruit, viuere debeat de altari; & qui ad onus eligitur, repelli non debeat à mercede; dignū est, vt Ecclesiae stipendijs Clerici sustententur, in qua & per quam diuinis obsequijs adscribuntur. Verūtamen, quia non generis, sed virtutum nobilitas, vitæq; honestas gratum Deo faciunt, & idoneum seruitorem, qui non multos secundum carnem nobiles & potentes elegit, sed ignobiles ac pauperes, eo quod non est personarum exceptio apud ipsum; ætatis maturitas, grauitas morum, litterarumq; scientia inquiratur in ijs, qui Ecclesiasticis erunt ministerijs præficiendi: nam si in temporalium dispositione bonorum habenda est discretionis cautela, præcipue vt ea laudabiliter disponantur; quanto magis in rebus Deo dicatis inuigilare nostra debet intentio, vt iuxta personarum condiciones & status ad diuini nominis laudem, & Ecclesiarum utilitatem prouideatur ex merito Ecclesiasticis personis? Est enim graue nimis, & absurdum, cum possumus viros idoneos ad Ecclesiastica beneficia promouere, indignos assumere, quibus nec morum honestas, nec litterarum

rerarum scientia suffragatur, carnalitatis sequentes as-
secutum, non iudiciū rationis: vnde quanta ex hoc dam-
na proueniunt Ecclesijs, nemo sanæ mentis ignorat.

Sed quoniam cœpti iam instituti ratio postulat, ve
quantum cum Deo valemus, Ecclesiæ nostræ Clerique
totius vtilitati prospiciamus; operæpretium fore du-
ximus, nonnulla in præsentiarum præscribere, quibus
si quemadmodum par esset, diligenter ab omnibus in-
tendatur, de cetero Clerici, alijque Sacerdotes benefi-
ciati damnum ex eo non patiantur, quod in ipsorum fa-
nore non esset esse constitutum.

Contingit sapere vel ab eis beneficia cōferri, qui con-
ferendi potestatem non habent.

Vel ijs cōferre, quibus ex Canonum dispositione non
licet. Aliquando etiam ea conferuntur, quorum dispo-
sitionem ex varijs rerum causis ad conferentem ipsum
non pertinere postea conuincitur: Quod fit (cum non
excuset iuris ignorantia) vt ex collationum huiusmo-
di defectibus; qui maxime in visitationibus dereguntur,
quæ plures litibus inuoluantur, fructuumque ma-
le perceptorum restitutioni sint astricti; aliaque per
multa patiantur incommoda pauperes Clerici; quæ
recensere non oportet.

Omnes igitur admonemus, beneficia in Ecclesia no-
stra conferendi facultatem esse, non quidem Vicario, si
non specialiter id sibi concedatur, sed Episcopo: cui
non tamen semper quoties vacationis casus occurrit,
nec omnium beneficiorum in dicta Ciuitate & Diœ-
cesi nostra existentium collatio pertinet; sed multa eo-
rum ex Canonum & summorum Pontificum constitu-

tionum, ac Regularum Cancellariæ dispositione, aliorum collationi sunt reservata. Et quoniam constitutiones Regularum Cancellariæ non disponunt in perpetuum, & ob rerum varietatem statuta quandoque variantur humana, fieri q̃ potest non eandem semper beneficiorum conferendorum rationem futuram: Habeat propterea Vicarius quancumque vacationis casus occurrerit, Constitutiones præ manibus, & Regulas Cancellariæ, ne forte erret, & diligenter advertat, ne beneficia non conferenda conferat.

Admonemus etiam, quòd quædam alia sunt beneficia, quæ quidem respectu loci quandoque, ratione q̃; interdum certæ personæ, vel ratione temporis, sæpe etiam delicti conferre nobis non permittitur.

Locus enim facit, ut in eadem Ecclesia, in qua Pater administravit, filio etiã legitimo, & aliàs habili, quando tamen Patre defuncto, mediæ non intercesserint personæ, providere non possimus de eisdem beneficijs, vel penitus similibus, nempe Canonicatibus, & præbendis Presbyteralibus, neque in eadem vnum habenti, aliud simile beneficium conferamus.

Personæ multifariam considerantur, quemadmodum & beneficia ipsa, illudque generaliter est advertendum, in promovendis quibuscumque mores requiri, scientiam, & ætatem.

Inhabiles, illegitimi, infames, & criminosi, non admittantur.

Scientia debet esse saltem mediocris, quæ sufficiat ad regendum beneficium illud de quo providetur.

Ætas autẽ in obtinentibus Ecclesiastica beneficia

defi-

definitur, vt ante decimum quartum ad minora, & simplicia; ad dignitates verò quascumque, quibus animarum cura subest, ante vigesimum quintum ætatis annū promoueri nemo possit. Ad cæteras verò dignitates, vel personatus Clerici alioquin idonei, & viginti duobus annis non minores asciscantur.

Et cū Ecclesiasticus ordo peruertatur, quando vnus pluriū officia occupat Clericorū; sanctè sacris Canonibus cautum fuit, neminem oportere in duabus Ecclesijs conscribi: ideo sancta Synodus Tridentina debitam regendis Ecclesijs disciplinā restituens, mandauit in posterum, vnum tantum beneficium Ecclesiasticum singulis conferri: quod quidem si ad vitam eius cui confertur honestè sustentandam non sufficiat, nobis nihilominus ex eiusdem auctoritate licebit simplex aliud sufficiens, dummodo vtrumque personalem residentiam non requirat, eidem conferre.

Delicti quoque ratione accidit interdum, vt beneficia quædam de quibus aliàs prouidere possemus, sanctis. Romanus Pontifex ea specialiter sibi reseruet, puta vacantia, quali acumque sint, propter hæresis crimen.

Vel propter confidentiam, etiam si de iure patronatus, ex fundatione & dotatione sint, etiam laicorum nobilium & illustrium.

Idq; alibi frequenter cōtigisse nō ignoramus: quare Vicarius pro tempore sollicitè curet, ne ab huiusmodi, & simoniacæ prauitatis labè Ecclesia nostra, quantum in ipso erit, labefactetur: quod auctore Deo facile præstabit, si diligenter & attentè fel. rec. Pij V. desuper editam constitutionem obseruare studuerit.

1. Sed non lab re erit, si Vicarius omnes summorum Pontificum Constitutiones nouissimas, & Extrauagantes in vnum compilatas habeat, & id generis alia, ex quibus eliciuntur plurima Ecclesiastico foro summe necessaria, præsertim cum de beneficijs conferendis, eorumque reseruatione agitur.

2. Labori & sumptui ne parcat, si cum fecerit, quod in ipso est, apud alios aliquando excusatione dignus haberi inueniri que velit.

3. Caueat ligitur ne beneficia conferat absque sibi specialiter delegatâ facultate, vel eorum resignationes admittat, Excommunicatione fortè irretitus.

4. Neque de ijs, vtii Vicarius, facta etiam sibi ab Episcopo potestate, prouideat, quæ non pertinent ad Ordinarium collationem.

5. Anteaquam vacent.

Cum aliqua diminutione.

6. Accedente pacto.

7. Tempore prohibito.

8. Personis indignis, & inhabilibus.

9. In ætate legitima non constitutis.

10. Incerta, ipsorum scilicet nominibus non expressis.

11. Si se inuicem non compatiuntur.

Vt duo Canonicatus simul.

12. Duæ portiones.

13. Duæ Dignitates.

14. Dignitas cum Parochiali.

15. Duæ Parochiales.

Dignitas cum portione.

Parochialis cum Canonicatu.

Portio cum Parochiali

Canonizatus cum portione

Duo non formia sub eodem testis

Reliquas incompatibilium species prætermisimus, quia vel raro, vel fortasse nunquam in Ecclesia Monopolitana possunt accidere.

Ne duobus beneficium unum, sed uni

Canonum, & Concilij forma non servata

Et quâquam in beneficijs de iure patronatus, præsentatos à patronis instituere possit; advertat nihilominus, an titulus ex foundatione, vel donatione sit, An ex legitima & necessaria causa, & ob maximè evidentem Ecclesie, vel beneficij, seu dignitatis necessitatem ius patronatus huiusmodi legitime constitutum existat.

An in Collegiata

An in consecrata ista Ecclesia reservatum fuerit

An ex consensu Episcopi tacito, vel expresso

An ex privilegio

An censetur eadem abrogatum

An probetur titulus ex legitimo documento

An ex multiplicatis præsentationibus prænotissimum temporis cursum, quibominum memoriam excedat

An, si forte præsumatur in coisurpatione, ultra immemorabilis temporis probationem, præterpreliqua ad eam necessaria, præsentationes etiam continuatas non minori, saltem, quàm quinquaginta aliorum præsentationibus, quæ omnes effectum sortitæ sint, authenticis scripturis probentur.

An Patroni, subiciantur, in quadrimestre tempus: si verò sint Ecclesiastici, in sex mensem spatium de

An se ipsos praesentauerint.

An dignus, & habilis, An realiter quis, & iuxta
fundatoris voluntatem vel familiaris, vel consangui-
neus exempli gratia fuerit praesentatus.

An alio Rectore uiuente.

An Ecclesia sit Curata.

An etsi Parochialis non existat, in ea debeat Sacer-
dos praesentari.

An a serie unquam ab Ordinario huiusmodi condi-
tioni derogatum.

An de consensu Patroni.

An Patronus occupauerit ipsius bona, & in pro-
prios usus conuerterit, ut excommunicatus, & a patro-
natus iure cessasse declaretur.

Cetera dispiciet pro sua prudentia, ne forte aliud
quam causa deponat per ipsum statuat.

Iuriam legatorum fundaciones toruetur.

Ecclesiarumque census, & earum immobilia bona,
ipsum occasione usurpari non sinet, ut aliquando im-
pie factum didicimus.

Non citò manus imponat, sed edicto proposito, &
remotius perspecta, eodem tempore & testatorum
voluntatibus & Ecclesiarum libertati faueat.

Reliquum est, ut videamus quae cauere debeant im-
petrantes apud Sedem Apostolicam, ne sibi factae bene-
ficiorum collationes subreptitiae, nullaeque censentur.
Saepe enim ex eorum simplicitate decipiuntur, impen-
sas faciunt inanes, & nouis indigent prouisionibus.

igitur est generaliter sciendum, & in primis:

Debere in beneficiorum impetratione de his men-

tionem

tionem fieri, quæ Sanctissimum D. nostrum retrahere, vel ad concedendum difficiliorem reddere possent.

10. Atque etiam expresse per verba in Romana Curia, & non in partibus istis tantummodo visitata de ijs, quæ specialiter exprimi iurè cauentur, et si talia non sint quorum taciturnitas D. Papam vel retrahere, vel certe ad gratiam difficiliorem reddere deberent.

De beneficio quantumcumque modico, quod quis possidet, facienda est mentio in alterius beneficii impetratione.

11. Obtinens beneficiū minus canonice, si velit huiusmodi vitium per nouam Sedis Apostolicæ concessionem purgare, de iniusta detentione, de quæ fructibus per ipsum malè perceptis mentionem facere debet.

12. De reservatione, quæ notoria non existat in Curia.

De animarum cura.

De residentia, quam requirit beneficium, quod potest.

De beneficijs alijs, quæ permutantes possident, si permutationis causa in manibus D. Papæ renunciationem fieri ab aliquibus aliquando contigerit.

13. De Commenda.

14. De beneficijs adeptis post primam gratiam, quam quis reformati petat, ut si per subreptionem beneficiū aliquod impetretur, & post illud etiā alia, quamvis canonice, velimus si super gratia prima, quæ videtur nulla, nouam provisionē obtinere, de beneficijs alijs post eam impetratis mentionem facere tenemur, id quæ tutissimum erit ad quaestiones & litēs euadendas.

15. De beneficio cui quis renunciauit, si renunciatio non tenuit, neque fuit acceptata, nam tunc non pro-

prioratem, sed beneficij possessionem amittimus.

Obtinens beneficium, cui aliquis renuntiavit resignationis publicationem suo tempore fieri curabit, seruat: forma nouae constitutionis à felicis recordi Papâ Gregorio desuper edita.

De iure Patronatus Laicorum

De annuo beneficij valore secundum communem estimationem; oneribus deductis, in quo quotidiana distributiones non computantur.

Pauca diximus, vtilia tamen pro Clero nostro, & vix quotidiana in quibus errari frequenter animaduertimus. de reliquis autem quaecumque impetratoris casus euenerint, etiam si periti consulendi, qui attentis beneficii statum, modum, tempus, vacationis, & personae qualitate, rectè quid agendum sit pro eorum prudentia impetrantibus respondebunt.

De Penes.

Cap. XXXII.

Poenas, quae in nostra Synodo ad peruersorum malitiam reprimendam petita sunt constituta, inuiolabiliter volumus in subditos obseruari: sed si quando vel nostris, vel successorum nostrorum, siue etiam Vicarij arbitrio expressè, vel tacitè relinquantur, eam in infligendis ijs rationem adhiberi desideramus, vt fiat cum misericordia iudicium.

Et licet plerumque dum mutatur locus, mutetur etiam mentis affectus, videaturq; congruè aliquem inde corporaliter euelli, vbi illecebris deseruiuit; attentè nihilominus est aduertendum, ne Clericis nostris vagandi, diuiniq; cultus omnino deferendi occasionem praebeamus,

beamus, vt si mali in conspectu nostro sint, peiores à nobis longè positi fiant.

Estq; tandem maxima diligentia prouidendum, ne pecuniariae mulctæ per nos, vt sanctè à sacris Canonibus admonemur, ad turpem quæstum conuertantur, neue ad aliud grauamen statuta nostra trahantur. Regat ergo vigor disciplinæ mansuetudinē, & māsuetudo ornet sermone vigorem; & sic alterum cōmendetur ex altero, vt nec vigor sit rigidus, nec māsuetudo dissoluta.

Multa & quidem necessaria ad vestrum omnium vtilitatem in præsentī hac nostra Synodo pertractanda forent, Nemp;

De officio Vicarij.

De Magistro actorum.

De Procuratore Fiscī.

De Consultore.

De seruientibus, ac iuratis (vt vocant.)

De reformatione Tribunalis.

De Taxa mercedum.

De iudicijs quædam.

De formulis Dimissoriarum.

Collationum ordinum.

Beneficiorum.

Vicariatus.

Facultatis aliorum Officialium.

Ratiocinatorum Ordinarij.

Sacristæ.

Magistri Cæremoniarum.

Deputationum examinatum.

Approbationum in examine per concursum.

1. Licentiarum pro ludi magistris, confessarijs, & similibus.

2. Ea tamen in Synodo, quæ primo quoque tempore, hoc eodem loco, Domino dante, habebitur, commodius explicanda reseruauimus.

3. Quæ autem sanctiuiimus, modò, hæc seruate & facite: quia profectò non grauiæ & importabilia, sed onera sunt leuissima, & Deus Pater Domini nostri IESU CHRISTI, qui potens est abundare facere in nobis omnem gratiam, det vobis cor omnibus, vt colatis eum, & faciatis eius voluntatem, & repleat vos omni gaudio & pace hic, & in æternum. Amen.

In præfenti Synodo propositi, de mandato Illustris & Reuerendiss. Domini Episcopi fuerunt approbati pro examinandis confessarijs, promouendis ad Ecclesiasticos ordines, ad Ecclesias Parochiales, & reliqua Ecclesiastica beneficia infra notati, videlicet,

R.D. Iulius Cesar Palmerius I.V.D. Cathedralis Monopolitane Ecclesie Archidiaconus.

R.D. Siluius Ritius Archipresbyter.

R.D. Ioannes Antonius de Falconibus Decretorum Doctor, secundus Primicerius.

R.D. Ioannes Paulus Rondella Canonicus I.V. Prof.

R.D. Ottavius Romanellus Canonicus in iure canonicollicentiat.

Abbas Andreas sancta Marthe Rector Parochialis Ecclesie sancti Saluatoris.

Abbas Cesar Pisanus, Rector Parochialis Ecclesie sancti Petri.

Abbas Marcus Antonius Marianus Rector Parochialis Ecclesie sancte Mariæ amalfitane.

Abbas Iulius Caesar Maurellus Rector Parochialis Ecclesie sancti Angeli.

Abbas Ioannes Antonius Bandinus Vicarius in animarum cura Ecclesie Cathedralis.

R. Pater Thomas de Criptalijs sacra Theologia Magister, Ordinis Predicatorum, Prior Monopol. Conuentus sancti Dominici.

R. Pater Bonauentura Francus de Palmerijs sacra Theologia Magister, Guardianus Monopol. Conuentus Dini Francisci Ordinis minorum Conuentualium.

In Terra Cisternini.

R. D. Camillus Soletus Archipresbyter Terra Cisternini. I. V. Profess.

De mandato pariter eiusdem Illustris & Reuerendissimi Domini Episcopi fuerunt propositi, & approbati ludices, quibus causæ à Sede Apostolica committi possunt, iuxta sacri Tridentini Concilij dispositionem, videlicet,

R. D. Iulius Caesar Palmerius. J. V. D. Archidiaconus.

R. D. Ioannes Antonius Falconius Decretorum Doctor Primicerius.

Item de mandato prædicti Illustris & Reuerendissimi Domini fuerunt propositi, & approbati testes Synodales infra notati, videlicet,

R. D. Siluius Ritijs Archipresbyter.

R. D. Orlandus de Falconibus primus Primicerius.

R. D. Antonius Pesolus Canonicus Penitentiarius.

Abbas Caesar Pisanus Rector Parochialis Ecclesie S. Petri.

Abbas Iulius Caesar Maurellus Rect. Paroch. Eccl. s. Angeli.
D. Petrus de Brescia Cathedralis presbyter Portionarius.

In Terra Cisternini.

R. D. Camillus Soletus Archipresbyter J. V. professor.

Abbas Franciscus Soletus Primicerius.

Abbas Martinus de Antico Thesaurarius.

De mandato similiter praefati Illustris, & Reuerendissimi Domini propositi fuerunt, & approbati proconficiendis Instrumentis rerum, & bonorum Ecclesiasticorum infra scripti Apostolica auctoritate Notarij, videlicet
Egregius Nicolaus Antonius Thaurus Monopolitanus.
Egregius Georgius Thyerrinus Lotharingus Episcopalis Mo-

nopolitane Curiae Actuarius.

Acclamationes in fine Synodi solemniter intonatae per R. D. Cathedralis eiusdem secundum Primicerium, Choro respondentem ut infra.

Primicerius. In pace Dominum oremus.

Chorus. R. Domine miserere.

P. Pro superna pace, & salute animarum nostrarum Dominum oremus.

R. Domine miserere.

P. Pro pace totius mundi tranquillitate sanctarum Dei Ecclesiarum, & omnium unione Domini oremus.

R. Domine miserere.

P. Pro beatissimo Papa nostro S. I. X. T. O. sanctae vniuersalis Ecclesiae Pastore Dominum oremus.

R. Sanctissimo Patri esto semper Domine Deus adiutor, ut ipso gubernante cunctarum gentium una sit fides orthodoxa, omnesque iustitia & abundantia pacis in Ecclesia tua Domine diuissime perfruatur.

P. Pro hac sancta Domo, & ijs, qui cum fidei religio-
ne, & Dei timore ipsam ingrediuntur Domi-
num oremus.

R. Domine miserere.

P. Pro Reuerendissimo ANTONIO Cardinali Carafa
benefactore nostro Dominum oremus.

R. Magnæ gratiæ, æterna in Ecclesia nostra memò-
ria, perpetua salus, Dominus retribuat.

R. Pro Episcopo nostro ANTONIO, qui Synodum hâc
promouit, ac perfecit Dominum oremus.

R. Antistitem nostrum Ecclesiæ Monopolitanæ in
tua gratia Domine. conserua multos annos!

P. Pro venerabili Presbyteratu, in Christo Diaconat-
u, vniuerso Clero, & Populo Dominum oremus.

R. Domine miserere.

P. Pro Religiosissimo Catholico, & sanctæ Fidei de-
fensore PHILIPPO Rege nostro, vniuersa prole
sua, Regnis, & exercitibus eius Dominum oremus,

R. Aeternæ Deus famulum tuum in amore tuo conser-
ua, auctumque cælesti gratia de omnibus Eccle-
siæ, & Christianæ fidei hostibus in dies trium-
phare concede.

P. Pro cunctis Principibus Christianis, vt vnâ bellū
gerant, & omnem inimicum, & aduersarium,
pro sanctæ Fidei propagatione suis pedibus sub-
ijciant, Dominum oremus.

R. Domine miserere.

P. Pro tota Ciuitate nostra, & regione Dominum
oremus.

R. Domine miserere.

110 *Constit. Diæces. Synodi Monopol.*

P. Pro bona aeris temperie, fructuumq; terræ fertilitate, & pacificis temporibus Dominum oremus.

R. Memento Domine in beneplacito populi huius, ut omni tua benedictione à fructu frumenti, vini, & olei multiplicatus, quæ tibi placita sunt cupiat, & tota virtute perficiat.

P. Pro nauigantibus, iter facientibus, & grotantibus, laborantibus, captiuis, & ipsorum salutem Dominum oremus.

R. Domine miserere.

P. Ut nos liberemur ab omni afflictione, ira, periculo, & necessitate Dominum oremus.

R. Domine miserere.

P. Ut nos Deus in domo sua vnius moris efficiat Dominum oremus.

R. Spiritum nobis Domine tuæ charitatis infunde, & quos vno cælesti pane satiasti, tua fac semper pietate concordēs. Amen.

F. I. N. I. S.

LENCHVS CAPITVM

QVÆ IN HAC DIOECESANA

SYNODO CONTINENTVR.

D	<i>E Summa Trinitate & Fide Catholica. Cap. i. pag. i.</i>	
	<i>De Baptismo. Cap. ij.</i>	7
	<i>De Confirmatione. Cap. iij.</i>	10
	<i>De Sanctissimæ Eucharistiæ Sacramento. Cap. iiij.</i>	13
	<i>De Proceſsione. Cap. v.</i>	14
	<i>De Uelatione sanctissimæ Sacramenti ad infirmos. Cap. vi.</i>	16
	<i>De Communionē generali. Cap. viij.</i>	18
	<i>De Celebrationē Miſſarum. Cap. viij.</i>	22
	<i>De Tempore celebrandi. Cap. ix.</i>	23
	<i>De Loca celebrandi. Cap. x.</i>	24
	<i>De Preparatione celebrantis, & de ministro. Cap. xi.</i>	25
	<i>De Abusibus. Cap. xij.</i>	28
	<i>De Superſtitionibus. Cap. xij.</i>	29
	<i>De Sacramento Penitentia. Cap. xiiij.</i>	31
	<i>De Sacramento Extreme vñctionis. Cap. xv.</i>	42
	<i>De Sacramento Ordinis. Cap. xvi.</i>	45
	<i>De Sacramento Matrimonij. Cap. xvij.</i>	50
	<i>De Feſtorum obſervationē. Cap. xvij.</i>	56
	<i>De Obſervatione Ieiunij. Cap. xix.</i>	60
	<i>De Sacroſanctis Eccleſiis, cæmeterijs, atque religioſis domibus.</i>	
	<i>Cap. xx.</i>	66
	<i>De Horis Canonicis. Cap. xxi.</i>	68
	<i>De Canonico Theologo. Cap. xxij.</i>	7
	<i>De Canonico Penitentiario. Cap. xxij.</i>	7
	<i>De Magiſtro Ceraminiarum. Cap. xxij.</i>	76
	<i>De Officio Sacriſtæ. Cap. xxv.</i>	78
	<i>De Cuſtode Beate Mariæ de Madia. Cap. xxvi.</i>	80

De Parochis. Cap. xxvii.	81
De Parochialibus Ecclesiis. Cap. xxviii.	86
De Immunitate Ecclesiastica. Cap. xxix.	87
De Vita & honestate Clericorum. Cap. xxx.	88
De Prabendis & Dignitatibus. Cap. xxxi.	96
De Pœnis. Cap. xxxii.	104
Examinatores Synodales.	106
Indices propositi, quibus causa à Sede Apostolica cõmitti possint.	107
Testes Synodales.	107
Notarii pro conficiendis instrumentis.	108
Acclamationes in fine Synodi.	108

REGISTRVM

† A B C D E F G H I K L M N O

Omnia foglia, præter † semifolium.



R O M A E,

graphia Bartholomaei Bonfadini. 1591.





